

四庫全書

集部

欽定四庫全書

橘山四六卷九

宋 李廷忠 撰

明 孫雲翼 注

通旌德何交代

旌德本漢涇縣地唐
實應中析太平縣置

屬耳鳴絃曲高寡

詩耳屬于垣文選其曲彌高其和
彌寡又唱繁而和寡又南荆有寡

和之歌駱賓王集清歌寡和於郢路柳文深寡
和之憤積無徒之歎東坡詩窈渺文章宜寡和

強顏代

斲伎短多傷

左傳子產曰人之愛人求利之也今吾子
愛人則以政猶未能操刀而使割也其傷

實顧取則以非遙

詩其則
不遠

豈通名之可後恭惟某官東

周禮樂之士西漢文章之家

柳文大人以文律通流當世叔仲鼎列天下號為文

章上而三台同此一氣

呂溫凌煙閣功臣贊太極構天本同一氣此二句疑有舛

登虎榜盡令拾芥於後塵再轉鴻樞要是傳家之故事

有斯世閥之美尚爾縣同之拘地勝俗淳官清務簡九

峰高峙發詩興於雲端

九華山舊名九子山李太白更今名太白詩妙有分二氣靈山

開九華又昔在九江上遙觀九華峯劉禹錫九華山歌序九華競秀神采奇異謝朓詩雲端楚山見三水

合流達治聲於江表

雙溪在寧國府城下三水合流

農安襪襖

襪襖音鉢釋義

襪也廣韻雨衣管子頭戴茅蒲身衣襪襖此之謂農獄臥桁楊

桁楊大械也韻會械夾足及頭莊子

桁楊者相推也山
谷詩桁楊臥訟庭
從來加惠之甚多欲去見思之深切

製成美錦歸我公是有袞兮

左傳子產曰子有美錦不使人學製焉大官大邑身

之所庇也而使學者製焉其為美錦不亦多乎

目無全牛宰天下如此肉矣某

生逢厄閏

俗說黃楊歲長一寸閏退一寸東坡詩只有黃楊厄閏年方秋崖髭髮種種以驚秋意寥

寥其晚得賞音由郡博士三年之勞與縣大夫一人之

數

左傳上大夫受縣下大夫受郡

每自知其醜拙詎堪繼於仁賢把酒

細論拂龜相授講學而連伯仲昔已聞三事之同傳譜

以示子孫今復有契家之託

王元之詩古人重交代子孫不相忘

其為幸

會未易占陳

詹主簿

效武城為宰之歌夫子必笑

方秋崖陷魯恭不可見已邀乎馴雉之仁武城亦何

為哉莞爾割雞之笑

誦河南同官之記主簿最賢墜惠問以先之

佩眷情之異甚恭惟某官人流清整世閥高華居廣寒

五百名之先桂香好在

東方朔十洲記冬至夜月養魄於廣寒宮龍城集開元六年八

月夜明皇與中仄師鴻都客作術臥游月宮見一宮榜曰廣寒清虛之府下視王城崖我若萬頃琉璃之田有素娥十餘人皆乘白鸞舞於廣庭桂樹之下酉陽雜俎月桂高五百尺下有一人常所之白帖月中有桂華樹

韓文月蝕詩依前使免操杵臼玉為古宛陵二千石之

階桂樹聞婆娑杜詩好在阮元瑜

最棠茂依然

宣城本漢丹陽郡治宛陵縣地隋改名曰宣城

來和鶴鳴之音又

屬鸞棲之所沈酣經史足以贊絃歌之化燕嘯尊俎足

以洗簿領之塵

沈約詩簿領紛盈膝

略試餘藹聞譽處氣凌雲

而身矮屋久此居哉

天寶遺事進士張彖登科為華陰簿為守令所抑歎曰大丈夫有凌

雲蓋世之志而拘於下位若立身矮屋中使人擡頭不得拂衣歸遯於高山

翼培風而背青

天莫之禦也

莊子而今乃後培風背負青天而莫之天閼

某在家憂國以仕

易農

東方朔傳首陽為拙柱下為工飽食安步以仕易農

奈黃卷無救飢之功

東坡

詩平生五千卷
不赦一字仇

假青袍為折腰之具

杜詩黃帽映青袍非供折腰具

惟

西曹能與共治

陳遵傳西曹白請斥後漢書百官志西曹主府吏署史廣曹主二千石長吏遷

除及

雖小邑亦可庇身坐松林而讀書不如一詩習鑿

齒對花樹而酌酒豈有衆疾潘安仁

潘岳字安仁才名冠世為衆所疾遂

棲遲十年出為河陽令種桃李花人號曰河陽一縣花

喜動於中言宣罔既

李縣尉

問故家之桃李喜遇亢宗

左傳吉不能亢身焉能亢宗

望高隱之雲

煙即諧共事

李白送趙少府詩仙尉趙家玉英風凌四豪維舟至長蘆目送雲煙高傳咸感別賦

喜與此子同班共事
天下之遇未有如此
先拜記丞之貺倍增行橐之光恭

惟某官材秀一鄉氣橫九牧
岑參詩子雖軀幹少老氣橫九牧
統古苞

今之學壯欲行之戴仁抱義之儒晚方遇耳
禮記載仁而行抱義

而處雖有暴政不更其所
惟培養之既厚則發摠之必弘卓有時名

久儲天府恩崇拜老宜伯夷自東海而歸
後漢儒林傳序初建三雍

明帝親行其禮袒割辟雍之上尊養三
老五更明帝紀贊登臺觀雲臨雍拜老
道慕登仙故梅

福作南昌之隱
李詩皎皎鸞鳳姿飄飄神仙
何窮僻谷

之多幸得聰明尉而不凡
大唐新語魏奉古制舉擢第授雍丘尉嘗九日公讌有客

草序五百言奉古覽之曰此舊文援筆立疏之草序者默然自失列座撫掌奉古徐笑曰適覽記之非舊習也時姚珽蒞汴州羣寮畢謁珽召奉古前曰此聰明尉耶又盧莊道聰慧敏悟冠於今古年十三以故人子造高士廉會有上書者莊道窺覽以為已作士廉具以聞太宗召見策試擢第十六授河池尉復舉擢甲科太宗識之曰此是朕聰明小兒即授長安尉恐黔突之未幾驚紫泥之忽至李詩

降紫泥

某客梁已倦宰費奚堪宿春百里之糧偶逢近地

莊子適百里者宿春糧

細論一尊之酒正賴同寮況君有推姦之

名而我非摘伏之手

趙廣漢傳其發姦摘伏如神注摘謂發動之也

力能裨贊

政以和平俾河陽一縣之皆花誠可樂者如楚國兩龔

之相友豈不佳哉

兩龔傳兩龔皆楚人也勝字君賓舍字君倩兩人相友並著名節故世謂

之兩龔

情有至深言莫能究

錢監稅

試邑無堪力整韋絃之佩

唐大鎬百發克破於楊葉刀一鼓必合於桑林寬猛相濟

絃韋適中杜牧詩還須整頓韋絃佩莫獨吟誇玳瑁筵

嘗察有助善操泉貨之權

即遂承顏先勤惠問恭惟某官爵雖武級業本儒流三

萬軸傳家之書文華兼備十二條刺部之節風烈故存

少損功名

黃霸傳霸材長於治民及為丞相總綱紀號令風采不及于定國功名損於治郡時下

親會計授酒固知有法

周禮酒正掌酒之政令以式法授酒材辨五齊之名一曰汎齊

二曰醴齊三曰盎齊四曰醴齊五曰汎齊

譏闕寧免不征十家如醉於春臺

老子衆人熙熙如享太牢如登春臺

百貨盡藏於山市足觀方略能集事

功雖州縣勞人未免負塵俗之累

梁竦傳竦生長京師不樂本土自負其才

鬱鬱不得志嘗登高遠望歎曰大丈夫生當封侯死當廟食如其不然閒居可以養志詩書足以自娛州縣之

職徒勞人耳揚巨源詩梁竦勞州縣

如廟堂舉士又將自筦庫而升某刻

鵠無成

馬援戒兄子書效伯高不得猶為謹飭之士所謂刻鵠不成尚類鶩者也

割鷄焉用

正賴衍盈於庫局庶幾振起於縣綱旁隣分輝

李詩餘輝旁照

隋
吾黨增氣知君視元日之策臨政方新顧我春百里
之糧相期敢後雖多其語莫竟此懷

判府陳侍郎

以山水郡臨山水之縣幸趨走於下風有詩書帥撫詩

書之民謹奉承於寬教

左傳晉謀元帥趙衰曰卻縠可臣亟聞其言矣悅禮樂而敦詩

書詩書義之府也禮樂德之則也德義利之本也

屬在成丘之始行修詣府之

恭削牘是先掣鈴以達

李詩掣鈴交通二千石洪平齋啓輒徐削牘之恭肅點掣鈴之

聽恭惟某官本本百家之學

班固傳元元本本彈見洽聞

言言萬乘

之師

留侯傳讀是書則為王者師又以三寸舌為帝者師文選風雲玄感蔚為帝師發軔侯宮

風化寢流於南國揚鑣朝路威名尤振於左臺

鑣馬銜也詩輜

車轡鑣文選揚鑣漂流又七萃連鑣韓文

我轡在手君揚其鑣杜詩揚鑣隨日馭方將奮鐵肝

以除君側之讒

東坡詩烏府先生鐵作肝月令反舌有聲佞人在側杜詩過時如發口君側有

讒人遽乃昇金掌而司野外之萼高懷自適端操弗移非

典謨之道不陳於細旃凡言動之紀悉歸於直筆翩然

遠去渴矣睿思

文選智謀垂睿想

原隰馳驅何足煩天下之大

老日月獻納莫若用朝廷之舊臣正資掌握於戎機

韓信

傳居項王之又欲股肱於藩輔輟從禁角之望
南亦作

字握中數矣甬道韓詩龍旆垂華以秘殿之名宋制兼臥治無何最

聲籍甚賦政平如衡石後漢書賦施恩暖於衿襦矧是

名邦居多良牧寫澄江靜練之句謝宣城之雅致猶存

謝朓守宣城晚登三山詩餘霞散成綺澄江靜如練誦碧天冥鴻之詩鄭諫議之

清規可想杜牧寄宣守鄭諫議詩文石殿今誰繼者公

寔當之自厭直廬豈吾君先一州之意嚴助傳君厭承

之事韓大陸君之道行於朝廷則天下望其賜刺一州
則專而不能咸先一州而後天下豈吾君吾相之心哉

宜趣命駕有刺史入三公之階

趣讀曰促朱博傳告外從駕通典宣帝每拜刺

史守相輒親見問後漢亦重其任或以尚書令僕出為郡守鍾離意黃香桓榮胡廣是也或自郡守入為三公

虞延第五倫桓虞鮑昱是也唐張九齡曰古者刺史入為三公郎官出宰百里

某白屋賤微青

袍因苦頗相知者惜李廣之不逢時

李廣傳惜廣不逢時令當高帝世萬

戶族豈足道哉欲引重之稱朱雲而多過實

朱雲傳贊世稱倚朱雲多過其實

博士之席既無補竊尚方之舄尚有慙

杜詩看君宜著王喬舄真賜還

疑出尚方初使近民偶得便地然紀綱板蕩之已久

詩上帝板板下

民卒瘁人蕩蕩上帝下民之辟董卓傳論板蕩而歸漏之篇於焉而極大選天地板蕩又桓靈今板蕩而歸漏

補葺之甚艱粗嘗習知於民情或可勉效於駑力且千里守百里宰大小相維苟一人語衆人咻是非易惑惟在上有高明特立之見則在下無齟齬難成之功喜遭際於仁侯寬期會於凋邑亟整欲前之步敬承在後之鞭仰斗於十年之間始歸臨照戴星於二天之下終冀并包

呂氏春秋宓子賤治單父彈鳴琴身不下堂而單父治巫馬期戴星出戴星入日夜不居以身親之

而單父亦治

自愧不文有懷莫抒

府判張秘閣

望蓬萊五雲之氣來作端寮

杜詩雲近蓬萊常五色南史陸徽云九絳州綱三端

府職皆指寮官也六朝稱府幕曰府端州幕曰州端節度幕曰節端憲司幕曰憲端唐制宜膺受服之寵復踐

端寮之列又蚤題坐於端寮

謀彭澤三徑之資願為下走拜履絢而

弗遠奏丞牘以宜先恭惟某官王閔崢嶸

子虛賦下崢嶸而無地兮

甘泉賦似紫宮之崢嶸

人流瓌瑋以世勲之後不充

亦作嚙音宏崢嶸深遠貌

儒行儒有不隕獲於貧賤不充誑於富貴於吏政之暇能茹涵於

古今帝曰賢哉國之福也啓修程於千里之坂寓遠直

於羣仙之廬

宋制寓直蓬山

七葉在漢而珥貂遐想凌煙之像

張安世傳安世子孫相繼自宣元以來為侍中中常侍
諸曹散騎外校尉者九十餘人唐書太宗園功臣於凌
煙閣韋述西京記太極宮中有凌煙閣在凝陰殿內功
臣閣在凌煙閣南顏利既平置酒於此杜詩凌煙功臣
少顏色將軍下筆開生面蘇武傳上思股肱之
美廼圖畫其人於凌煙閣次曰衛將軍張安世四年為

齊之別駕藹聞清水之名

北史張軌隋文時為齊州別駕後召入朝父老送者各揮

涕曰別駕在官水火不與百姓交是以不敢杯酒相送
公清水如水請酌一盞水奉餞軌受飲之元微之詩徹底
心清水共虛裴鉉詩三年清似水六月冷如冰克紹故家允歸名胄春是股肱

之郡全資羽翼之英今守昔賢既平分於風月

沈約和謝宣城

詩昔賢侔時雨
今守馥蘭蓀

南樓北檻還盡有於江山

白樂天江州司馬廳記江

州左匡廬右江湖土高氣清富有佳境刺史守土臣不可遠觀游羣吏執事官不敢自暇逸惟司馬綽綽可以從容於山水詩酒間由是郡南樓山北樓水溫亭百花亭風篁石巖瀑布廬宮源潭洞東西二林寺泉石松雲司馬盡有之矣苟有志於聞中書堂已登其姓名百官史隱者捨此官何求焉志唐

初三省長官議事於門下省謂之政事堂裴炎為中書令乃徙政事堂於中書省詳見前豈外司馬

可淹於步武

世說謝奕與桓溫善溫辟為安西司馬奕既上猶推布衣好在溫坐岸幘談笑無異

平日溫曰我方外司馬三國典略王肅為常山王司馬性閒澹寡欲不以世務為累人士謂之方外司馬

聆吉語進襲真封某鈍不可磨弱惟自植藻宮獨冷初無根柢之容忝谷成暄誤得吹噓之力脫之七選試以

一同雖閭閻細故之粗諳而綱紀久頽而難振惟不以

小文而見責

陳遵傳遵為公府掾史曹事數廢西曹請斥大司徒馬宮大儒優士又重遵謂西曹

此大度士奈何以小文責之

尚庶幾末技之可施

文選操末技猶必然今矧踴窮於道

真柳文下材末技

幸遇清明之天

韓大青天白日如隸亦知其清明

能為孤拙

之地敢因始事自取隆知上而邦國之不空已誼歌詠

晉王祥為徐州別駕以股肱之忠糾合義衆州境獲寧徐人歌之曰邦國不空別駕之功

下則田疇

之甚辟當竭撫摩

藝文類聚孫侯頌我有田疇惟侯辟之山谷詩摩手撫鰥寡

厥志

惟勤有言莫既

嚴府判

仰岑長史之翱翔每勤善頌

杜工部寄岑長史詩半刺已翱翔

效崔洛

陽之操割祇恐傷多

唐崔隱甫遷洛陽令梨園子弟番維善笛嘗負罪匿禁中帝以他事

召隱甫從容指曰就卿以此人對曰陛下輕臣而重樂工請解官再拜出帝遂謝與番維隱甫殺之賜隱甫百

緡

行窺前軾之儀

黃霸傳別駕車緡油屏泥於軾前

敢奏中涓之問恭

惟某官孔庭速肖之學

法言螟蛉之子蛭而逢螺贏祝之曰類我類我久則肖矣速哉

七十子之肖仲尼也

漢殿方聞之英背負青天而上扶搖壯圖孰

禦

杜詩居然屈壯圖

胸吞雲夢而不芥蒔雅量自弘

司馬相如傳吞若雲

夢者八九其於胸中曾不芥蒂注芥蒂刺鯁也隋豫章
王遺雀順書視漢臣之三篋似陟蓬山對梁相之五車
若吞雲夢李商隱啓口裏雌黃屢加彫煥胸中雲夢過
沐涵濡余崇龜啓削泰華之三千敏手共驚於神速吞
雲夢之八九高懷咸仰於恢弘呂祖謙啓等泰華於毫芒吞雲夢者八九以軒昂宇宙之名
乃徘徊州縣之職徘徊不進貌史記相如傳喪回漢高后紀徘徊往來息夫躬傳驚徘徊兮

思玄賦馬倚輶而徘徊

滌簿書之塵於藻芹之水移哦吟之日於

松竹之林茲為藩翰之上賓又屬範模之故境戶豐穰

稔悉由康海之功

穰稔通作罷亞稻多貌又稻名杜牧詩罷亞百頃稻西風吹半紅六一居

士詩罷亞霜前稻鉤輶竹上禽東坡詩翠浪舞翻紅穰亞

守馥蘭蓀同得行春之樂

宜將治理播在聲詩雖香山公有吏隱之志焉

白居易致仕與

香山僧如滿結香火社每肩輿往來白衣鴈杖自號香山居士詳見後及上條

而荊州佐乃宰

相之材也

唐書太后嘗問狄仁傑朕欲得一佳士用之誰可者仁傑曰大學

其選矣必欲取卓犖奇才則有荊州長史張柬之其人雖老宰相材也

竚聞廟論端以公

歸某斷木難大孤蓬強振

杜詩孤蓬轉霜根

儒官之飽閒散幸

不見治

韓文況是儒官飽閒散

縣政之拙催科詎能自脫況承紀

綱之蕩弛且聞帑廩之枵虛雀角滋張騫行驚竄

韓文吏抱

成案詰丞屬

驚行以進惟不以小文而見責尚庶幾末技之可施

幸逢題坐之賢熟識字吐之理使居別駕而乃展驥附

尾安能未嘗登車而思獲禽鹿身是望

左傳譬如田獵射御貫則能獲禽

若未嘗登車射御則敗績壓覆是懼何暇獲禽

諸職官

小朝廷之多才坐參賓畫

唐僖宗紀盧從諱充河東節度使自擇參佐奏以長安令

王調為節度副使前兵部員外郎史館修撰劉崇龜為節度判官前進士張崇魯為推官人謂之小朝廷言名

士之多也

下大夫之受縣行綴官

聯左傳上大夫受縣下大夫受郡通典春秋時列

國相減多以其地為縣則縣大而郡小故云此謙言故云下也周禮太宰官聯謂大事非一官所了者衆共成

之也江總詩官聯總在茲虞世基敢緘不腆之辭左傳詩虛薄忝官聯社詩官聯辭兄長

不腆

敝邑之禮又庸取方新之芘恭惟某官瓌瑋人物蟬媽有不腆之田

世家揚雄傳有周氏之蟬媽今注蟬媽連也袖藏刺犀之鋒手握雕龍之

筆後漢書贊崔為文宗世擅雕龍晉書文苑傳序西都賈馬耀靈蛇於掌握東漢班張發雕龍於綈縑余日

華啓詞藻雕龍筆端飲虎施諸政事恢恢乎餘地作為文詞渾渾以

無涯韓文上規姚如渾渾無涯方長驅得路以甚平何斜飛取勢之

不迫緬懷昔士獨愛宣城謝朓留詩千古識江山之勝

晏元獻詩江山謝守高吟地風月朱公故里情昌黎作序一時誇賓主之賢韓昌

黎送楊支使序愈在京師時聞今藩翰之賓客惟宣州
為多賢又知其客可以信其生者宣州也知其主可以
信其客者今見名流復尋盛事以芙蓉之客贊蘭蓀之
湖南也

守即玳瑁之筵和綺練之詩

李白贈辛判官詩文章獻
納麒麟殿歌舞淹留玳瑁

筵劉禹錫送陸侍御歸淮南幕
詩歸路芙蓉幕離堂瑤瑁筵

蔚有芬馨發於談笑燕

臺加禮已增重於弓旌

逸詩翹翹車乘招我以弓尸子
堯有建善之旌文選首應弓旌

又納弓旌於鉉台五代會
要式重弓旌以光尊俎

漢幄運籌行促登於劍履何

傳賜帶劍
履上殿

某當老矣無聞之日得長者有味之言甫脫

冷官又逢凋邑未能刀而使割寧免傷多惟寬轡而勿

拘尚堪自效

虞翻傳謂為朝歌長謁河南太守馬稜校勉之曰君儒者當謨謀廟堂反在朝歌耶

謂曰初除之日士大夫皆見弔以謂籌之知其無能為也願寬籌策勿令有所拘闕而已凡從事於

茲府

韓文宜乎從事於茲府而流聲實於天朝也

能分先於吾寮擁篲有期

揚雄傳或擁篲而先驅注鄉行之燕昭王郊迎擁篲為之先驅也

搖旌不寐一行屬戴

星之使莫我告勞

文選一行作吏

四顧無凌雨之憂皆君所賜

諸曹官

著小冠而試令懼多學製之傷

後漢儀新改令長皆試小冠滿歲為真以次遷

製大冠杜欽傳欽目偏盲茂陵杜鄴與欽同姓字俱以材能稱京師故衣冠謂欽為盲杜子夏以相別欽惡以

病見詠更為小冠高廣財二寸由是京師更謂欽為小冠杜子夏時大將軍王鳳深知欽能奏請為武庫令杜

詩低頭曳大輅以佐州喜見賓筵之盛朱博傳勅功曹著小冠官屬多襲衣大

謂大冠音紹趨承茲始候問宜先恭惟某官游刃長才裁

冠上族韓文裁我馬而纓其冠志薄紉綺侈之以六藝之文價等

琳琅高而為一國之傑劉賓客詩高價聘琳琅獨懷遠致不羨羣

飛鵲聞吏隱之清風來挹昭亭之爽氣昭亭山在宛陵北山谷詩春騎

昭亭簇昭亭郭祥正詩馥蘭蓀於時雨之後參贊為多汎美

蓉於綠水之間觀瞻有美所居見重史記太公世家夷吾所居國重厥

問甚休能秉直繩尤屬紀綱之掾

晉書孫鑠傳太守吳奮以為主簿鑠自微

賤登紀綱杜甫送崔判官詩君行佐紀綱

好持婉畫去從帷幄之遊某問東

西而不知

莊子小惑易方郭象注東西易方達萌傳萌語使者云朝廷所以徵我者以其有益於政尚不知方

面所在安能濟時乎李商隱與陶進士書此後不能知東西左右亦不畏矣韓詩問之朝廷事略不知東西語況於經籍深豈究端與倪東坡詩耆來幾不辨東西語

上中而莫可青衫二紀僅脫兕階白首一邦又承廢政

車惟覆壓之是懼琴必更張而乃調

董仲舒傳譬之琴瑟之不調甚者必

解而更張之乃可鼓也當更張而不更張雖有良工不能善調也為政不行甚者必變而更化之乃可理也

幸託庇於名曹猥服勤於賤職事賢以敬敢辭束帶之
勞課吏惟明尚恕征科之拙情有所屬言莫能殫

教授

宣州藩翰之賓賢孰加於郡博武城絃歌之宰笑寧免
於聖門久矣嚮慕於遐風榮哉會遇於晚節敢持尺素
少抒寸丹恭惟某官茹古涵今滂仁曠義

曠說文滿努也讀若郭頗

師古曰引

神士朗出於天外仰才望之獨高

皇甫湜集天下進士

望風難畏以為端人神士朗出

天外不可梯接望門不敢進仙官下取於人間知文

篇之甚富

韓詩平生千萬篇金薤垂琳琅仙宮勅六丁雷電下取將流落人間者太山一毫芒王曜

軒啓學易通神三畫曾吞於天上著書擬聖六丁取於人間

蚤射君門之策

杜詩射策君門

期第

一 亟影仕路之纓信然龍鳳署之師儒

博英論儒雅之徒則處龍

鳳之

異乎鳬鶩行之俗吏對吳岫楚山之競秀

謝眺詩雲端楚

山見林表

覺周情孔思之愈深洪鐘一鳴青佩咸集

詩青

佩

坐堂闡教正喜康公之詩鼎來

馬融傳常坐高堂匡衡傳無說詩匡

鼎來宋人避藝祖諱改匡為康

當宁急賢豈容鄭老之賦歸去即辭半

水競踐八軌某名已塵埃學真土梗

莊子所學者真土梗耳

嚮也

呻其佔畢徒為吾道之羞今焉使之操刀殆匪斯民之

幸況政不綱之已久且室如罄之可憂

左傳室如懸磬言家資空虛也

或大府責以小文

韓文獨嶺南節度為大府

賴上客為之曲芘潔已

以進好音是懷

詩懷我好音

雖敲朴喧囂其敢廢松林之吟

誦

北山移文敲朴喧囂犯其慮

而馥膏沾白尚得從芹泮之遨遊喜

動於中言宣莫既

丘安撫

江東安撫司治在建康府統建康等八州軍

望帝王州之王氣鎮以從臣

曹植詩壯哉帝王居謝朓詩江南佳麗地金陵帝王

州李詩地即帝王宅以為龍虎盤又淮水帝王州金陵
繞丹陽又龍蟠虎踞帝王州朱存詩一氣東南王牛斗

得子男國以庇身幸哉屬吏

左雄傳今之墨綬猶古之
諸侯注墨綬謂令長即古

子男之國韓文愈
幸甚三得為屬吏

方佩印近民之始敢奏書下侍之

前恭惟某官洙泗正傳

孔子宅在曲阜縣故魯城中歸
德門內闕里之中背洙泗翼相

圖之

岱嵩偉望

周禮職方兖州山鎮岱山泰山也一曰
岱宗在兖州乾封縣西北三十里嵩山

在河南登封縣北八里
一曰太室是為中嶽

擣辭為風雅之伯發政號神明

之君

荀淑傳蒞事明理稱為神君崔氏家傳崔瑗為汲
令開渠溉稻民賴其利為政七年長老歌之曰天

降神明君作我仁慈父臨民布德澤決渠作甘雨晉書
良吏傳喬智明以德行著稱為隆慮令民愛之號曰神

君冠虎榜者二人昔已推公輔之器登鵷行者四十

載今猶著侍臣之冠固知材大而用難

杜詩古來材大難為用

豈

有道尊而處外剛正自守夷險弗渝半天下之山川華

轍幾徧滿朝廷之卿士茂績誰同莫難於日畿轉餉之

浩穰

揚雄解嘲夫日月之徑不千里則不能燭六合曜八紘帝畿千里象日月經回故曰日畿

莫重

乎坤維作屏之靖肅

大選大火流坤維唐盧極羅城記坤維上腴

剴裁已熟

譽問甚休遽爾厭承明之廬悠然安獨樂之圃屬廟謀

之遠舉倚賢業以中興謂廉頗當在禁中胡為家食

洪平

齊啓壯猷經武定堂下之孫見夷吾復生江左足慰帝
吳妙略緯文得禁中之頗收

心峻其延閣之班洪以留臺之寄東都襟帶之會其地

最雄

東都自周以來皆指洛陽此當指金陵金陵舊稱

障如襟圍繞如帶孫萬壽詩山川
相襟帶皇甫甘詩地控吳襟帶

北門管鑰之司以人

為固

左傳鄭人使我掌其北門之管蕭何傳何以謹信
守管鑰宋名臣言行錄冠準鎮大名府北使道由

之謂公曰相公望重何不在中書公曰皇
上以朝廷無事北門鎖鑰非準不可耳

遐衝自折於

樽俎

杜鄴傳昔文侯宿大鴈之獻而父子益親陳平共
飯之餐而將相加驩所接雖在楹階俎豆之間

其於為國折衝歷難豈不遠哉劉禹錫
啓制勝於樽俎之間指縱於韞縠之末妙算不出於詩

書萬旅輯和十連震竦問洛人以裴度之安否足見睿

懷

裴度治第東都集賢里野服蕭散不問人間事上已宴羣臣曲江度不赴帝賜詩曰注想待元老識君恨

不蚤我家柱石

哀憂來學丘寄楚國於子玉之重輕佇還宰席某學

真土梗迹已塵埃素行患難之中絕望功名之外坐羶

獨冷方將付吾道於滄洲

杜詩輕帆好去便吾道付滄洲吹律成暄宣

謂逢主人於錦里

杜詩錦里逢迎有主人

錄其小異試以一同況

值曹鄴淺邦之不成欲為滕薛大夫而安可

薛宣傳昔孟公綽優

於韓魏而不宜滕薛故或以德顯或以功著君子之道焉可憮也

遙依節制少借聲光

雖策疲鞭鈍而不辭尚藏垢棄瑕之有望在大府帥當

見以戎服阻修趨拜之恭

韓丈大府帥或道過其府帥必戎服左握刀右屬弓矢

帕首袴鞬郊迎及既至大府帥先入據館即守屏若將趨入拜庭之為者孫逢吉啓問起居於大府雖未遑鞞

袴之迎託塊北於化釣將終借甄陶之造顧田家子安知於伍符但竭撫摩

之力

馮唐傳士卒盡家人子起田中從軍安知赤籍伍符

搖旌所向涉筆難宣

李提刑

分路澄清毋謂小邦之左僻

文選所理僻左書問致簡益用增勞杜牧與李池州

書為刺史各得小郡俱處僻左無因起居

戴星奔走儼如華使之下臨祇事

有初通名敢後恭惟某官以文章紹先世之學以法令為郡吏之師秋水鏡鑒皆知其清明春風衣被悉歸於愷悌選舉陶於天下之衆遂占大科稱黃霸以廷中之

平肯持深憲

黃霸傳聞霸持法平名以為廷尉正數決疑獄庭中稱平

由丞郎之望

迭更於麾節

通典丞郎列曹局司有任唐書潘孟陽為侍郎年未四十其母謂曰以汝之才而位

丞郎使吾憂之唐後尚書省故事制令僕以綜詳朝政丞郎以彌綸國典蘇頌詩丞郎肅紫機劉禹錫詩清時為丞郎氣力侔陶鈞宋陸務觀老學菴筆記唐所謂丞郎謂左右丞六曹侍郎也尚書雖序左右丞上然亦通謂之丞郎猶今言侍從官也俗又謂之兩制指內制而言然非翰苑西掖亦曰兩制正如丞郎之稱契丹僭號

有高生官亦侍從之比或謂丞郎視州部之政如對於

為左右丞中書門下侍郎亦非也

軒墀廣推棘木之心鄭玄周禮注樹棘以為位者取其赤心而外刺

布作甘棠

之惠粟紅京庾草綠園門無非體上意之好生抑亦見

皇華之有遠謂措刑空圖俗何不若成康

武帝紀周之成康刑措不

用董仲舒傳至于成康之隆因圖空虛四十餘年此亦教化之漸而仁義之流非獨傷肌膚之效也禮樂志述舊禮明王制駢一代之民躋之仁壽之域則治何以不若成康壽何以不若高宗徐樂傳名何必夏子俗何必成

康能閱律讀書君可使為堯舜自任有如此者當今其

舍我哉勿拘紫橐之常階即聽黃麻之異數某抱虛焉

用置散是宜說經徒至三萬言笑寒羶之如水為吏不

過六百石驚素髮之已秋

兩龔傳瑯琊郡漢兄子曼容養志自修為官不肯過六百

石輒自免去又蜀郤正官不過六百石故免於憂患知音者謂可字人學製者奚

其為政況一網衆目之久弛且百孔千瘡之可憂

韓文百孔

千瘡隨亂隨失

雀鼠之訟滋張鳧鶩之行驚竄方當策鈍義敢

辭難幸有二天之照知信為千載之會遇遙瞻繡指敬

稟玉條

文選金科玉條

惟其轡乘之少寬庶圖來效若以脂膏

而自潤斷不忍為

孔奮傳奮守姑臧長姑臧稱為富邑每居縣者不盈數月輒至豐積而奮

力行清潔為衆人所笑謂其身處
脂膏中不能自潤徒益辛苦耳

惘倒之私言宣罔既

商總領

江東總領所
治在建康府

羅雙鳧於江潁莫量造化之恩總萬騎於江干又竊屬

封之北

詩真之河之干兮干涯也范雲詩
江干遠樹浮杜詩細酌老江干

始臨縣社遥

戴使星敢緘不腆之詞少抒必恭之惘恭惟某官文名

藹華萼之集治行溢棠棣之碑

唐賈敦順為洛州刺史
有惠政百姓植碑頌美

及敦美為洛州刺史又立
頌於兄碑之側號棠棣碑

其清也冰壺而玉衡

杜詩金
鐘大鏞

在東序冰壺玉衡懸清秋洪适胎皮弁素積舞大夏流
風三代之餘冰壺玉衡懸清秋盛德四時之備余日華

陪操行孤高貯玉壺之秋露
文章拔藻生象管之春風

其和也春風而夏雨

管子吾不

能以春風風人夏雨雨人吾道窮矣

捷出入上來遊帝旁

東坡詩飄然乘風來帝旁兩

襍被而請行固知輕視於名爵再乘輅而改命詎容遠

去於朝廷既眷意之甚隆故許身而愈切

杜詩許身愧此雙南金

以直事主自能振起一臺之紀綱

孔帖魏謩遷御史中丞俄兼戶部侍郎墓

奏中丞紀綱所寄不宜雜領錢穀又高元裕進御史中丞建言紀綱地官屬須選

不圓為卿必

欲舉行三代之禮樂

元次山惡圓篇吾聞古之惡圓之士歌曰寧方為皂不圓為卿方巨

山陪惟知惡元子之

孤芳雖忌於皎潔

文選物忌孤芳人諱明潔又皎

潔不成妍李詩處世忌太潔又衆草凌孤芳韓詩異質
忌羣處孤芳難寄林東坡詩孤芳陋羣妍山谷詩物理
忌孤大義不辭於繁難獨一居州欲善於宋王已著立
芳

朝之節雖百曹參莫加於蕭相尤高給餉之功

史記蕭相國傳

鄂君進曰漢興楚相守滎陽數年蕭何轉漕關中給食
不乏此萬世之功也今雖亡曹參等百數何缺於漢

運籌得黃石之遺

留侯傳十三年孺子見我濟北穀城山黃石即我矣轉粟自青

天而下

杜詩築城依白帝轉粟上青天

用倒印擊狂賊未足顯司農之

勞

唐段秀實為司農卿朱泚反遣銳兵襲奉天秀實倒用司農印以追其兵提一筆福蒼生

竟須還上相之位

劉禹錫詩終當提一筆再入福蒼生

某所齎者狹

史記淳于

髡傳楚發兵伐齊齊使淳于髡齋百金車馬千駟之趙
請救髡仰天大笑冠纓索絕王曰先生少之乎髡曰今
者臣從東方來見道傍有穰田者操一豚蹄酒一盃而
祝曰甌婁滿篝汙邪滿車五穀蕃熟穰穰滿家臣見其
所持者狹所求者奢故笑之敢諱其窮莊子孔子曰我諱窮久矣而不免命也有客薦

雄徒以文士用心之苦逢人說項孰如先生知己之深

南郡新書楊敬之為祭酒公心愛才嘗見江表之士項斯贈詩曰度度見詩詩總好及觀標格過於詩平生不
解藏人善到處逢人說項斯楊誠齋啟逢人必項斯之
說幾於神比而天同伴直難浩然之呼特以職親而地
禁擷寒根於獨冷之官擷將取也借榮光於一同之地溫庭筠詩

韶光如見借麝桃俗李疊有遭逢東坡詩桃李
滿山總麝俗水竹山

松亦為鼓舞屬舊政之板蕩致公儲之聲懸民失撫柔
吏困追擾粗嘗習知田里之細故或可勉效馬牛之寸
勞但持廉勤以起凋弊謂再求可宰千室敢上誤於品
題有孺文為我二天願終歸於幪覆

賀卓運使

軺封載駕鐔部初臨

宋制督
鐔部

自江之東江之西疊總澄

清之略凡國於右國於左盡依照燭之光已嘗稟先令
於符檄之間故須進下悃於緘縢之末恭惟某官號員

嶠方壺之神士

列子渤海之東有大壑名曰歸墟其中山曰岱輿員嶠方壺王子年拾遺記海

中三山一名方壺

為泰山北斗之文師百斛鼎以筆而獨扛蚤

驚得雋

扛舉也項籍傳力能扛鼎淮南王傳有材力能扛鼎王充論衡力能扛鴻鼎揭華旗又谷子雲

唐子高奏章百上筆有餘力文選扛鼎揭旗之士韓詩龍大百斛鼎筆力可獨扛山谷詩虎兒筆力能扛鼎又

萬牛挽不前公以獨力扛師克曰雋薛廷珪行楊贊禹左拾遺制甲科得雋潛敷啓筆力健雄扛龍大百斛之

鼎襟期洒落飽牙籤萬卷之書

十年刀若硎之新發屢試有聲

莊子所解數千

牛矣而刀刃若新發于硎胡建傳治甚有聲

用所學將克舜其君民施於政

益魯衛之兄弟趣召翹材之館來游廣樂之庭

史記趙世家與

百神游於鈞天廣樂九奏萬舞列子穆王及化
人之居以為清都紫微鈞天廣樂帝之所居
帝方厯

民瘼之咨

詩瘼此下民不殄心憂

公持妙使華之選摘山煮海

宋宣

和中添置提舉一員提舉茶鹽掌摘山煮海之利以佐邦國

問俗觀風有勲庸卓卓

而可書信才智多多而益辦建臺為諸路之冠改按上

流飛餉自千里而來悉供外計覽帝王之宅而有長驅

之志

李詩地即帝王宅詳見前

擅財賦之淵以佐中興之功師徒咸

飽於爨樵敵命頓危於破竹

杜詩敵危命在破竹中

見夷吾復生

於晉豈專富國之謀

史記管仲既任政相齊通貨積財富國強兵

使孔子入

相於周自致侵疆之復

陳諫啟舉臯陶而不仁遠仰達帝聰用夫子而侵疆歸佇觀儒

教

某宦途不進縣譜無傳思冷署之芹菲尚馳清夢問

故家之桃李徒抗塵容況承紀綱蕩弛之餘屬在琴瑟
更張之始剖決滯獄追徵宿逋雖夷險備嘗而不辭而
特達相知者未遇幸二天之能徧覆察一邑之不易為
假借寬隆包藏孤拙不圖今日瞻皇皇遣使之華尚許
他時書下下催科之考其為舞躍曷究編摩

賀商總領兼戶侍

帝陸渙恩民曹進秩

晉職官志漢成帝置尚書五人一人為僕射四人分為四曹一曰常

侍曹二曰二千石曹三曰民曹

四曰主客曹宋制民曹上卿

持紫荷橐豈持如漢侍

臣陪雍時之游

時音止封禪書今上至雍郊見五時師古曰五帝之時

運紅牙籌

抑有賴唐使者領江淮之賦

王隱晉書王戎代王渾為司徒常以象牙籌晝夜計

家財遠及田牧

具孚士論益壯軍容

胡廣傳軍容不入國

恭惟某官以伊

尹之重任諸身以孟軻之直養其氣秋霜嚴而鷹隼擊

幸天地之清明朝陽升而鳳凰鳴真國家之祥瑞

詩鳳鳴

矣于彼朝陽

胡為脫冕之不暇遽爾登車而有行盡護戎戡

廣開糧道戊校尉已校尉爪牙由是以奮張

元帝紀發戊已校尉

注戊已校尉者鎮安西域無常治處亦猶甲乙等各有方位而戊與已四季寄旺故以名官也一說戊已居中校尉處三十六國之中故曰戊已又屯田以耕土為事故取戊已西域傳戊校尉閭祥又徙已校尉屯姑墨注有戊已兩校尉此直徙已校也廣成頌甲乙相伍戊已為堅注戊已為中堅詩予王之爪牙

左匈奴

右匈奴肩臂可從而斷裂

劉歆議武帝北攘匈奴降昆邪十萬之衆置五屬國起朔

方以奪其肥饒之地東伐朝鮮起玄菟樂浪以斷匈奴左臂西伐大宛結烏孫起酒泉燉煌張掖以高姑羌裂匈奴之蓋自得理財正辭之義非止為強兵足食之謀

志在澄清胡恤於怨言

詩禮義不愆何恤人之言

計有深長獨當於

上意攬班禁甬增耀行臺謂建業北門轉餉通於六路

吳大帝自京口徙都金陵故名建業

自紹興南渡持節或以貳卿

職源紹興三年

差戶部侍郎姚舜明往建康總領六年張浚乞於戶部長貳內差一員來鎮江府置司專一總領

喜得

非常之人復行甚盛之典方天子遣采薇之戍獲醜為

期詩采薇采薇又我戍未定又執訊獲醜薄言還歸

宜國人錄衮衣之詩歸公

未晚某猥拘縣組欣聽宸綸韓公老而欲閒尚有懷於

稷契

韓詩身將老寂寞志欲死閒暇又事業窺稷禹大章茂曹謝

枚生窮而且忍豈

無待於嚴徐

韓詩東馬嚴徐已奮飛枚皋即名窮且忍熊克啓杜陵轉拙晚期堯舜之逢枚皋忍

窮以待嚴
徐之奮
拊蹈之私
編摹曷既

賀趙府判

綸綍渙乎屏星夙駕與二千石之政事關決惟良

唐制半刺

上佐與二千石參校政事短長利害者也

為七十里之附庸趨承伊始聳聽

先甲進侯中涓恭惟某官瞻智豐才明經達學周麟趾

之公族素有賢聲

詩麟之趾又振振公族

唐虬髯之天人信非凡

種

杜詩汝陽讓帝子眉宇真天人此髯似太宗色映塞外春

三月遡河而直上萬里

培風之益高尚取勢於斜飛乃收功於小試即貳令之

規為貳藩之治

四朝志並掌貳令之職

移千室之惠及千里之民

其猶熟路而輕車抑見發硎之新刃寬條初布顯譽四

聞想中書堂已登其姓名豈外司馬可淹於步武佇來

急詔

後魏裴粲坐事免宣武欲觀其風度令使者相屬急召之粲神色不變

趣上禁淫

餘同

嚴府

判

橘山四六卷九

欽定四庫全書

集部
橘山四六卷十一

詳校官庶吉士臣翁樹培

主事臣呂雲棟覆勘

總校官編修臣王燕緒

校對官主事臣陳文樞

謄錄監生臣汪志伊

欽定四庫全書

橋山四六卷十

宋 李廷忠 撰

明 孫雲翼 注

賀冬啓

曾總管

初陽應律

易通卦驗冬至初陽雲出箕山如樹之狀唐太宗詩條風開獻節灰律動初陽張叔良詩

雲物麗

亞歲成儀

沈約宋書魏晉冬至日受方國及百僚稱賀因小會其儀亞於獻歲之旦

曹植表亞歲迎祥履長納慶

丈三之圭景初長熏為叶氣

周禮冬至日在牽牛

景長一大三尺司馬相如傳協氣橫流

連五之珠星有耀萃作蕃釐

漢書宦者

淳于陵渠覆太初厯晦朔弦望最密五星如連珠律厯志日月如合璧五星如連珠注謂太初上元甲子夜半朔旦冬至時七曜皆會聚斗牽牛分度夜盡如合璧連珠也尚書考靈曜冬至日月若懸壁仰觀天形如車蓋紫氣纍纍如連貝表淑詩連星貫初厯漢書禮樂志媼神蕃釐注蕃多也釐福也讀作禧詩釐爾士女史記受釐宣恭惟某官富有賢謨

易富有之謂大業

蔚為時棟總地官之

財而佐國聲華高棘位之班

周禮大司徒之職乃立地官司徒使率其屬而掌邦

教以佐王

奉天子之命以督軍談笑給柳營之饗適觀

七日之來復

易七日來復天行也疏陽氣始於剝盡之後至陽氣來復時凡經七日

宜歌

四牡以勞還

詩序四牡勞使臣之來也
有功見知則悅矣

稱慶王觴

丁謂冬至詩稱

觴一之日祝壽萬斯年

贊調金鉉

易六五鼎黃耳金鉉利貞王仁裕詩便調金鼎贊無為劉禹錫

集金鉉重名

某濫竊專城之寄正遙賀閣之趨徒以寸牒寫

之尺素

謝丞相

宋寧宗慶元六年以謝深甫為右丞相

日至自南

左傳僖公五年辛卯朔日南至漢書律歷志傳不曰冬至而曰日南至極於牽牛之初日

中之時景最長以此知其南至也又至日道愈南去極
彌遠其景彌長遠長乃極冬乃至焉蔡邕傳日南至則
黃鐘應李華含元殿賦時殷仲冬
日正南至韋應物詩陽景動南端

陽生於子

說文子十一月陽氣

動萬物滋入以為稱漢志葦萌於子淮南子日冬至則北斗中繩陰氣極陽氣萌杜詩冬至陽生春又來浮

灰應黃鐘之候亨運有閏

太玄經調律者度竹為管葦葦為灰列之九閉之中漠然

無動寂然無聲纖塵不形冬至夜半黃鐘以應蔡邕律歷記候鐘律權土灰冬至陽氣應黃鐘通土灰輕而橫仰續漢書以葦灰實其律之端氣至則灰飛物理論十二律呂候氣先於平地為室三重重有三重壁楊子所謂九閉之中也外室南戶以布為幔次室北戶內室南戶並以布為幔皆上圓下方閉氣無風人居其中三日觀十二律各以木為案每律各內庫外高以律加其上依位安置之以河南葦灰實其端若氣至吹灰去管葦小動為和大動為臣疆蕭慤詩天宮初動磬緹室已飛灰杜詩吹葦六管動飛灰軒偃詩中宵忽見動葦灰劉商詩灰管移新

鳴玉趨紫宸之朝寵光交輯

杜詩鳴玉朝來

律窮陰變一陽

散紫宸又衣冠拜紫宸

恭惟某官大為民極

尚書乃悉命汝作民極

高出儒

流忠純之謀上格於天心直方之德下同於坤體

坤六二直

方大不習无不利文言

邊庭卧鼓

祭彤傳卧鼓邊庭滅鋒幽障隗囂傳索弓

卧廊廟垂衣

易黃帝堯舜垂衣裳而天下治

化工允藉於燮調

宋制燮調鼎味

帝載聿臻於熙洽

文選至於承平之際重熙而累洽

運三辰轉三統悉

歸坎北之中

日月星曰三辰晉書天文志爰洎帝嚳式序三辰漢書律歷志太極運三辰五星於

上而元氣轉三統五行於下又日合於天統月合於地統斗合於人統又三統者天施地化人事之紀也十一

月乾之初九陽氣伏於地下始著為一萬物萌動鐘於太陰故黃鐘為天統六月坤之初六陰氣受任於太陽

繼養化衆萬物生長楸之於未令種剛強大故林鐘為地統正月乾之九三萬物棣通簇出於寅人奉而成之仁以養之義以行之令事物各得其理寅合八能陳八木也為仁其聲商也為義故太簇為人統合八能陳八

音已驗葦萌之始

易卦通驗冬至始人主致八能之士或調黃鐘或調六律或調五行或調

律歷或調陰陽或調正德鄭玄注致八能之士者言選於人衆之中取習曉者使之調焉後漢禮儀志八能士各書板言事文曰臣某言今月若干日甲乙日冬至黃鐘之音調君道得孝道褒商臣角民徵事羽物各一板衆叶圖徵八能之士以日冬至成天文夏至成地理作陰樂以成天文作陽樂以成地理司馬彪續漢書天子常以冬夏御前殿合八能之士陳八音聽樂均度晷景候鐘律權土炭效陰陽也又陽氣始種於黃泉葦萌萬物釋名子葦也陽氣始萌葦生於下也律昌辰茂對易應合德氣鍾於子化生萬物故葦萌於子

下雷行物與无妄先王以茂對時育嘉祉具綏說文祉萬物方鳥山啟剛辰茂對純嘏駢臻福也詩

既受用孔子其周乎侵疆自復安劉氏必勃也與國同

休高帝紀周勃厚重少文然安劉氏者必勃也尚書與國咸休永世無窮某久託鈞泥董仲

舒傳猶泥之在鈞惟甄者之所為史記獨化於鈞陶之上注鈞範也作器下所轉者名鈞文選若金受礪若泥

在鈞空靡邊粟方踐長之有慶曹植表冬至獻履貢徒仰

高之是勤敢憑魚腹之傳僭申鵠尾之賀陳舊儀三公

張參政宋寧宗嘉泰四年以張孝伯參知政事

一陽在地卦當剝復之交易雷在地中復先王以至日閉闕商旅不行后不省方

萬寶得春氣應虛危之次

莊子春氣發而百草生正得秋而萬寶成注天地以萬物

為寶戴象麓啓祥開周歷日同至朔之謂章光動漢輶星出虛危而為福帝心昭格君子類

升恭惟某官物望穹隆人流超妙以道任天下之重有

德致朝廷之尊律呂風雲式茂贊元之業

文選業類補天功鈞柱地

河海夷晏風雲律呂韓文贊元經體不治細微

梯航山海聿昭懷遠之謨

文選梯山

航海踰沙軼漠之貢府無虛月

屬亞歲之藏儀

藏丘展切音與闡同左傳以藏陳事注勅也勅

成前

端中階而受祉天如欲治當今舍孟子哉人復何

憂中國相司馬矣

司馬光元祐初拜相遼人曰中國相司馬矣慎無生事詳見第十三卷

某謬乘一障阻望六符方密借於施生

禮記仲冬之月短至陰陽爭

諸生蕩鄭玄注爭者陽欲施陰欲化爭成功也

可默無於贊頌不揆作牋之陋

聊同獻禮之誠

崔浩女儀近古婦人常以冬至日進履襪於舅姑踐長至之義也崔駰襪銘陽

升於下日永於天長履景福至於億年襪亦作祿並云伐反

費尚書

宋寧宗嘉泰中以費士寅為吏部尚書

黃宮驗日中之氣晷漏彌長

太玄經陽氣潛萌於寅宮信無不在其中後漢律歷

志注冬至之日立八尺之表日中視其晷如度則歲美不如度則歲惡月令章句云至之為極者有三意焉晷漏極短去極極遠晷景極長隋煬帝詩南至晷漏長清臺占夜半之時星躔交瑞

杜審言詩東壁挂星躔駱賓王詩五緯連影集星
躔虞世南詩天漢星躔絕薛逢詩星躔過甯參 是為

亞歲合致頌言恭惟某官手織天章

東坡詩手扶雲漢分天章天孫為織

雲錦裳方秋崖啓手扶雲漢而分天章士
皆辟易腹披琅玕而叫閭闔帝亦驚嗟 心傳古學金

奏合八音之雅

周禮鐘師掌金奏擊鐘以為奏樂之節左傳金奏肆夏之三國語太簇正聲聲

為商故為金奏律歷志五聲和八音諧而樂成張說張司馬集序感激精微混韶武於金奏天然壯麗絳雲霞

於玉樓

瑰姿函一氣之和

律歷志太極元氣函三為一

粉飾禮儀洽多

聞而有補

儒林傳其令禮官勸學講議洽聞舉遺興禮以為天下先

塗歸詔勅凜直

道之莫回賴斗司斟酌之工

春秋合誠圖天理在斗中司三公也如人喉在咽以

理舌

屬陽類萼萌之始亨辰茂對嘉貺駢臻

石奮傳皇天嘉貺注

也貺

既在廷無出右之臣宜匪朝正虛左之席某一麾

所繫數仞莫登不腆竿牘之誠聊同履襪之慶

萬尚書

斗樞北運

淮南子曰冬至則北斗中繩

日馭南馳

楚詞

義和弭節兮望崦嵫而勿迫淮南子爰止義和爰息六螭是謂懸車左思蜀都賦義和假道於峻峰廣雅日御

曰義和山海經東南海之水甘泉之間有義和國有女子曰義和為帝俊之妻是生十日常浴日於甘泉郭璞

注義和能生日也故曰為義和之子堯因是立義和之官以主四時虞世南詩長漢轉義車杜詩義和冬馭迫

韓詩義和驅日月李
賀詩義和騁六轡

持橐以侍甘泉道方亨復獻履而

迎亞歲福以類升恭惟某官六學通儒四科全哲際會

風雲之上發揮天地之奇大筆擅燕許之文最宜為詔

細氈講唐虞之際非道不陳風動藥階春回葭琯

物理
論聽

清濁五聲之和然後制為鐘律取弘農宜陽縣金門山
竹為管河內葭莩為灰北史祖珽謂信都芳曰律管吹
灰術甚微妙卿試思之芳畱意十數日便報珽曰吾得
之矣然終須河內葭莩灰後得河內灰用術應節便飛
餘灰即不動也管亦作琯晉志西王母獻昭華之管以
玉為之後漢天文志殿中候用玉律十二惟二至乃候
靈臺用竹律六
十候日如其歷
宜景釐之茂對與剛德以朋來

易復亨
出入无

疾朋來无咎象曰復亨剛反動而以順行益恢經遠之圖佇正調元之任某

分符已濫假茫方深聽全律之鳳鳴徒厘善頌

晉律歷志黃帝

使伶倫自大夏之西崑崙之陰取竹之解谷生其竅厚均者斷兩節間而吹之以為黃鍾之宮制十二筩以聽鳳之鳴其雄鳴為六雌鳴亦六比黃鍾之宮而皆可以生之是為律本

聯屬車於豹尾莫

望清班

王左史

灰浮緹室

說文緹帛丹黃色有提涕二音後漢天文志候氣之法竹為管葭莩為灰為室三重戶閉

塗勞必周密布緹幔室中以木為案每律各一從其方位加律其上以葭莩灰抑其內端案厯而候之氣至者

灰去其為氣所動者其灰散人及風所動者其灰聚餘見前

春度玉墀

杜詩王春度玉墀

昏

中旦中已看壁軫之循度

月令仲冬之月昏東壁中旦軫中

歲首月首

何拘至朔之同章

後漢律歷志歲首至也月首朔也至朔同日謂之章

是謂亨辰

可忘善頌恭惟某官斗魁重望

天官書斗魁戴匡六星在文昌宮魁下六星兩

兩相比名

日角清姿

論語摘象輔頰淵山庭日角曾子珠庭犀角文選龍犀日角帝王之

表周王褒尉遲綱碑珠角膺期山庭表德唐書李珣字待價南寇舉明經李絳見之曰日角珠庭非庸人相明

經碌碌非子所宜

乃更舉進士高第蔚為海內文章之家進居朝廷禮樂

之署天降大任豈但掌絲綸於百日之間

春明朝退錄百日内須知

制誥故王元之與宋給君舉必書抑將垂軌範於千載
事詩須知百里掌絲綸

之下

左傳君舉必書書而不法後嗣何觀

屬芳芸之應候

月令仲冬之月芸始生爾雅翼

芸香草也謂之芸蒿陳寵傳冬至之節陽氣始萌故
十一月有蘭射干芸荔之應宋傅亮詩芳芸應時觀宜

戩穀之類升

詩天保定爾俾爾戩穀罄無不宜受天百禄注戩盡也穀善也

三階非遙

一武可至某分符已濫假沘方新喜聽鳳簫之鳴

簫音同說

文斷竹也作筒非律歷志及趙廣漢傳皆此字

敬致魚緘之賀

林察院

日南北斗迓圭景之初長夜半昏中驗珠躔之聯耀是

為亞歲合致頌言恭惟某官道覺民先學傳聖後貞節
貫四時而不改清風亘百世以有聞簪筆糾邪接夔龍
之武於墀下幾冠勸講陳堯舜之道於王前茂對亨辰
具綏嘉祉佇錫贊書之寵峻躋調鼎之司某假守邊封
阻陪賓贊敢對鳳鳴之候聊陳燕賀之書

施正言

玉歷紀元月臨天統

搜神記舜耕於歷山得玉歷於河
際之巖舜知天命在己體道不倦

晉書律歷志聖人觀四時之變刻玉紀其盈虛又黃帝
作律以王為管至舜時西王母獻昭華之琯以玉為之

以玉者取其體含庶潤也張叔良詩乘時玉厯長
獨孤鉉詩玉厯頒新律白居易詩玉厯布春分
土圭

測景日在斗網

周禮大司徒之職以土圭之法測土深
正日景以求地中漢志斗網之端連貫

營室織女之紀指牽牛之
初以紀日月故曰星紀

茲逢陽德之升實為君子之

慶

謝無逸詩陽進君
子升陰退小人伏

恭惟某官三代遺直一時老成方

朝禮未知得李兔而尊矣如袞職有闕賴山甫而補之

左傳詩曰袞職有闕惟仲山甫補
之能補過也君能補過袞不廢矣慷慨諫紙之陳從容

經幄之侍亨辰茂對嘉祉具綏屬當正人得路之秋行

踐上宰調元之任

文選上宰奉皇靈又再升上宰朝席
豫詩鹽梅推上宰王維詩上宰無為

化張叔良詩羽儀瞻上宰
陳子良詩君侯稱上宰

某一麾所繫數仞莫登不腆

竿牘之誠聊同履襪之獻

王少卿

七日朋來已驗初陽之復八風序立是為亞歲之祥

魏相

傳曰冬夏至則八風序立萬物之性成

恭惟某官學自家傳才不世出金

奏合八音之雅瑰姿函一氣之和體聖德以好生務在

民心之洽

尚書好生之德洽於民心

援古義以決獄允為天下之平

茂對亨辰具綏嘉祉方合能於漢殿佇入相於虞庭某

假守邊封阻陪賓贊不揆作賤之陋聊同獻禋之誠

知太平州張舍人

日永於天象應斗牛之次

崔駰冬至襪銘陽升於下日永於天月令仲冬之月日在

斗漢書注太和上元甲子冬至時七曜皆會牽牛

雷復在地氣占芸荔之芳

月令

仲冬之月荔挺出荔馬薤也亦云馬薤挺生出也易卦通驗玄圖荔挺不出則其國多火災說文芸荔似蒲而小根可為刷今河北平澤悉生之江東呼為旱蒲是也傅亮詩象荔迎時芳

君子由是先亨

士類為之慶抃恭惟某官瑰姿醞藉碩望巍峩文章窺姚姒之涯事業接夔龍之武以壁水師儒之尊而帥千

里以甘泉從臣之重而鎮上流正清香凝燕寢之時屬

黃鐘應鳳鳴之候陽春所至第祿其臻

詩爾受命長矣第祿爾康矣第

音弗福也

晷漏方長夢憶禁樓之鐘鼓壽觴來上班高前殿

之衣冠某塊守邊疆寶修隣好不揆作牋之拙聊同獻
機之誠

五府

陽氣潛萌居太玄第一之首

見前後諸條

天心灼見在復卦

初九之父

易復其見天地之心乎初九不遠復无祇悔

是謂亨辰敢忘善頌

恭惟某官股肱任重經緯才高在近世社稷之臣孰能

方駕

方並也文選方駕曹王杜詩方駕曹劉不啻過

為萬邦文武之憲靡不具

瞻

詩文武吉甫萬邦為憲

方聖賢相得論說以無疑

王褒聖主得賢臣頌上下

俱欲懽然交欣千載一會論說無疑

故朝野咸和形聲之交應歲小會之

儀於亞歲褒大來之福於中階

易泰小往大來吉

某雖迫代更

尚稽參覲仰洪鈞之布化咸遂有生效紋襪以貢忱祇

慙不敏

侍從

觀來復之爻陽乘陰而反本

易七日來復天行也

驗太初之厯日

合月以同明賢德方亨物情胥悅恭惟某官秉節高諒

宅心粹夷養深而莫知其津用大而難名以器騏驥呈

材於漢道置在屬車之間

文選漢道亨而天驥呈才魏盛德而澤馬貢質

鳳凰

來儀於舜庭助成韶樂之美

尚書蕭韶九成鳳凰來儀

景迎長至福

與俱升某曲借品題誤蒙收召登崇墉而拜壽躋躅未

前削柔牘以抒忱依歸敢後

臺諫

吹葭應候驗一陽在地之微

律歷志十一月乾之初九陽氣伏於地下始著為一

萬物萌動
鍾於太陰

挺荔敷華表萬物得春之始是為亞歲合致

頌言恭惟某官偉業濟時清才拔俗六龍御日照知忠

義之肝一鶚橫秋驚落奸邪之膽

杜詩鐵冠白筆橫秋霜又鶚鶚在秋天陳

后山詩清秋一鶚
上拭目萬人看

其道闢君子之消長

易泰君子道
長小人道消以

身為天下之重輕方進剛德而排羣陰宜對昌辰而介

五福

尚書敘時五福
詩介爾景福

佇收威於白簡即布化於洪鈞

餘同

侍從

內翰中書右史

黃鐘應候一陽生鳴鳳之甬白壁連輝兩曜會牽牛之

度是為亞歲合致頌言恭惟某官魯國宗師漢庭法從

籠天地播萬物蔚乎麗藻之文

陸機文賦籠天地於形內播萬物於筆端又游

文章之林府嘉麗藻之彬彬

約古今成一家富矣薰香之學極儒臣

翰墨之清選信公台事業之優為茂對亨辰具綏嘉祉

某誤蒙收召悉出提攜數仞采高足超超而未進

韓文足將

進而超超口將言而囁嚅

尺書展慶情繾綣以先通

文選昔余與子繾綣東朝韓詩

繾綣在
不謏

寧國太守

太玄八十一首聲明來復之期

揚雄傳默然獨守吾太玄又參摹而四分之極

於八十一桓譚新論太玄經三篇以紀天地人之道立
三體有上中下如禹貢之陳三品三三而九因以九之
八十一故為八十一卦王涯說玄曰八十一首擬乎卦
九贊之位數夫爻自天元甲子朔旦冬至推一晝一夜
終而復始天元二十七首地廣成千二百年茂對迎長
元二十七首人元二十七首
之景莊子廣成子謂黃帝曰天地有官陰陽有藏慎守
汝身物將自壯我守其一以處其和故我修身千
二百歲矣吾形未嘗衰禮記
郊之祭也迎長至之日也
是為亨會合致頌言恭惟

某官玉鉉名家

易上九鼎玉鉉
大吉无不利

金閨法從

杜詩謬通
金閨籍

喧

騰三輔久聞張京兆之威名

張敞傳長安中浩穰於三
輔為尤劇敞為京兆朝廷

每有大議引古今處便宜
公卿皆服天子數從之

鎮壓雙溪又識謝宣城之風

度

雙溪在寧國府城下李詩雙溪解北流宋楊
萬里詩敬亭宛水故依然疊峯雙溪阿那邊

民氣豁

舒於皦日

詩有如
皦日

吏心震懾於層冰

神異經北方有層
冰萬里厚百丈楚

辭層冰我我飛雪千里杜詩安得赤腳踏層冰
戴象麓啟民喜伸眉之有日吏皆重足於層冰

樹政既

佳策勲甚遠屬荔挺芸芳之應候宜珠連璧合以儲祥

居東方千騎之頭藹聞奏最

漢書東方千騎長人古樂
府東方千餘騎夫壻居上

頭張于湖詩千
騎東方白玉鑣
觀北斗四時之運竚入調元

晉天文志
北斗星運

乎天中而臨制四方以
建四時而均五行也

某縣紱所縻賓裾莫旅不揣作

牋之陋聊同獻機之誠

幕官

望五雲而絢綵書在魯臺

左傳僖公五年辛亥朔日南至公既視朔遂登臺以望而

書禮也凡分至啓閉必書雲物為備故也方秋崖啟曉
奏觀臺蒼錄紀五雲之瑞暖回宮壁洪鈞轉一氣之春
又霽景浮空雲紀魯臺之瑞
初陽襲管春回鄒谷之寒

合二曜以騰輝占於漢歷

亶為亨會敬致頌言恭惟某官海內英聲斗間異氣當

君子得與之後排去羣陰

易剝上九碩果不食君子得與小人剝廬杜牧之詩陽德

比君子初生甚微茫排陰出九地萬物隨開張

參賢賓入幕之榮聿來多福日

接蘭蓀之馥時逢芸荔之芳佇對璽褰徑躋索侍某縣同謬領門仞阻趨欲伸獻襪之誠不揣作牋之陋

諸縣宰

嶰竹初鳴氣應五雲之旦潘花預喜信傳三月之春是

謂亨時可無善頌恭惟某官才資卓蹠

蹠少角反吳志駱統表張溫宏

雅之素英秀之德文章之采議論之辯卓蹠冠羣煒晔曜世文選淑姿貞亮英才卓蹠又卓蹠諸夏卓蹠絕異

也器采翹明觀易見天地之心道由斯長讀書宰山水

之縣政得其平與日爭輝如川介祉

詩如川之方至

佇奏絃歌

之最進參簪筆之華某官薄有拘賓筵莫旅敬持尺札

少布寸悰

賀正啓

建康吳開府

漢京上日萬玉來庭

尚書正月上日玉燭寶典正月為端月其一日為元日亦曰上日左

傳禹合諸侯於塗山執玉帛者萬國班固東都賦春王三朝會同漢京天子受四方之圖籍膺萬國之貢珍

建業遺風百華照曉

金陵秦名秣陵漢屬丹陽吳改建
業晉禮志魏武帝都鄴正會文昌

殿用漢儀又設百華燈北齊樂詞百華燈樹上月朔朝賀於
懷黃綰白鸛鷺成行秦故事百華燈樹上月朔朝賀於
殿下設於三階之間晉王沈正會賦晞玄夜以司晨兮
望庭燎之高燭隋蕭愍元日詩帝宮通夕燎岑文本三
元頌庭燎晃以颺

舉明燈晷以星布

夙重保釐之寄

尚書命畢公
保釐東郊

慶逢亨

泰之辰恭惟某官地望穹隆天才卓越四朝懿戚登伏

波翰墨之場

洪平齋啟號萬人之敵名在伏波翰墨
之場當八面之鋒勇過晏子樽俎之略

十

乘元戎游卻縠詩書之府壯金湯於行闕峻圭衮於中

階茂對三陽

易傳冬至日一陽為復
二陽為臨三陽為泰

具綏五福以賢舅

執管鑰於外足寬西顧之憂方春王受圖籍之初宜下

東歸之詔促登上宰永鎮中區

文選宣太平於中區又魏誇中區之行謝眺詩

中區咸已泰謂中國也

某原隰載馳門闌阻造借陽和於灰律方

藉吹噓

唐太宗詩灰律動春陽

介眉壽於春觴第厘傾倒

詩為此春酒以

介眉壽

淮西韓總領

麟筆書春式履王正之始

吳融詩偶持麟筆侍金閨盧綸詩麟筆刪金篆左傳履端

於始序則不愆臧榮緒晉書熊遠議曰履端元日正始之初陳寶牕啟麟筆書元繁萬化循環之本義文盡泰

屬三陽景
進之初

鳳笛奏曉聿觀天令之新維時巨人喜逢亨

運恭惟某官受材膚敏

詩殷士膚敏

稟德靖深襲慶澤於勳

門揚芳塵於戚畹

唐詩道峻芳塵流漢紀肺腑於戚畹韓蓋寧宗恭淑皇后之族

望積

星間之郎位躋高鵷鷺之班總半天下之貨權坐給貌

貅之餉百枝寶炬促對春朝

傳玄元會賦華燈若乎火樹熾百枝之煌煌詳見上

條

七葉金貂穩傳世業某叨乘邊傳遙睇階符舉眉壽

之觴愧莫陪於賓贊飾小智之牘僭仰賀於涓曹

江東耿運使

斗建寅而天下春肇開華序

鶚冠子斗柄東指而天下皆春月令注孟春者日月

會於姬訾而斗建寅之辰也

淮南子招搖指寅周書黎景熙上書曰招搖東指天下識其春人君布德率土懷

其惠卦受泰而君子長合致頌言

易繫辭履而泰然後安故受之以泰彖曰泰小

往大來吉君子道長小人道消

恭惟某官命世全材

文選信皆命世之材抱將相之具

清時遠器聯光華於書殿

陸望詩書殿榮光滿洪适啟書殿極儒紳之貴齋壇分持

斧之

揭規矩於匠師

周禮有匠師注事官之屬魯語過師慶注掌匠大夫後周有匠師中

大夫掌宮室城郭之制

舉劉晏之鞭酌權宜於取予

蕭望之傳古者藏於民不

足則取有餘則予劉晏傳贊晏因平準法幹山海排商賈制萬物低昂常操天下贏貲以佐中興可謂知取予

矣史記管晏傳知予之為取政之實也

攬范滂之轡振風采以澄清當勾

芒之令聲新

月令孟春之月其神勾芒鄭玄曰此蒼精之君木官之臣自古以來著德立功者太

皞宓義也勾芒少皞氏之子曰重為木官三禮義宗五行之官木正曰勾芒者物始生皆勾屈而芒角因用為官名也晉謝萬春游賦青陽司候勾芒御辰唐岑文本三元頌月正元日節應勾芒宜戩穀之休

駢集亟膺丹綍進幹紫樞

李尋傳紫宮極樞通位帝紀後同吳開府

建康趙都統

春回解竹物當簇達之辰

國語正月太簇高誘注曰萬物動生簇地而出故曰太簇

漢書律歷志太簇之奏也言陽氣大奏地而達物也

門設楚桃人用磔穰之令

後漢

禮儀志設桃梗鬱偶葦茭注梗者更也歲終更始受介
祉也荆楚歲時記桃者五木之精壓服邪氣制百鬼玉
燭寶典元日造桃板著戶謂之仙木像鬱壘山桃樹百
鬼畏之山海經東海度朔山有大桃樹蟠屈三千里其
卑枝向東北曰鬼門萬鬼出入也有二神一曰神荼一
曰鬱偶主閱領衆鬼之惡害人者執以葦索而用食虎
於是黃帝法而象之毆除畢因立桃梗於門戶上又見
風俗通及括地圖月令季春之月命國人儺九門磔禳
以畢春氣沈約宋書舊時歲朔常設葦茭桃梗磔鷄於
宮及百寺之門以禳惡氣裴玄新語正朝縣官殺羊懸
其頭於門又磔雞以驅之俗說以厭厲氣玄以問河南
伏君伏君曰土氣上升草木萌動羊蠶百草雞啄五穀
故殺之以助生氣丁謂詩
太和無癘惡何用磔雞禳
喜乾坤之閒泰等川阜以儲
休詩天保定爾以莫不興如山如阜
如岡如陵如川之方至以莫不增
恭惟某官蓋世威

名濟時方略執戈而衛社稷益增虎踞之雄

左傳執干戈以衛社

稷可無殤也吳錄劉備使諸葛亮至京因觀秣陵山阜乃歎曰鍾山龍蟠石頭虎踞帝王之宅也余日華啟執

干戈而衛社稷號真將軍安邊境而立功名為古名將

練兵而動鬼神盡出龍韜

之秘轉東風於細柳祝遐福於大椿

莊子上古有大椿者以八千歲為春

八千歲

佇銘燕石之勲

實憲傳憲為車騎將軍大破單于遂登燕然山去塞三千餘里

刻銘勒功紀漢威德令班固作銘

入護周廬之禁

班固西都賦周廬千列廬謂宿衛之廬史

記衛舍曰周某坐拘輶傳引囑轅門

韻會囑視之甚也項籍傳諸侯將入

轅門注軍行以車為陣轅相向為門故曰轅門後同韓總領

馬帥李太尉

宋置馬軍司乾道中虞忠肅為相移騎軍屯於建康號曰馬軍司

堯階畫永紀端月於瑞瑩

玉燭寶典正月為端月帝王世紀堯時有草夾階而生每

月朔日生一莢至月半則生十五莢至十六日後落一莢至月晦而盡若月小餘一莢王者以是占歷應候而

生以為堯瑞名之莢莢

漢壁令新回東風於細柳

韻會壁軍壘史記壁皆漢赤幟

周勃傳以河內守亞夫為將軍軍細柳天子先驅至不得入軍門都尉曰軍中聞將軍之令不聞天子之詔上使使持節詔將軍亞夫乃傳言開壁門

喜遇乾坤之泰倍增川阜之休恭

惟某官學洞韜鈴

杜詩韜鈴足子荆張說詩韜鈴用老臣

家傳旄鉞

宋制帥鉞

將旄非功弗授多多益辦張隴西騎士之威

漢宣帝紀神爵元年西羌反發隴西

天水安定北地上郎
騎士羌騎詣金城

卓卓可稱擅江左虎臣之略

詩矯矯虎

臣趙充國傳漢命虎臣
幸慶忌傳為國虎臣

三陽茂對五福具綏佇銘燕石

之勳入護周廬之禁某叨乘一傳託芘萬間望碧幕於
雲中莫遑晉謁致赤書於墀下徒有頌言

池州張知府

珠星璧月順五紀以開端

尚書協用五紀前漢志周武王訪箕子言大法九章而五

紀明栢葉椒花對三朝而稱壽

荆楚歲時記元日進椒栢酒崔寔四民月令椒是玉

衡星精服之令人身輕能老栢是仙藥又云進酒次第
當從小起董勳云歲首酌椒酒而飲之以椒性芬香又

可輕身故此日椒花以貢尊者樂成公子安椒化銘聿
惟歲首用正元日厥味惟珍闕除百疾庾信詩栢葉隨
銘至椒花逐頌來丁謂詩即席椒花酒延年栢葉觴椒
花頌見下條孔光傳歲之朝曰三朝注歲之朝月之朝
日之朝故曰三朝岑文本三元頌三朝之禮畢陳九賓
之儀咸具鮑昭詩三朝國慶畢東都賦春王三朝會同
京漢恭惟某官才兼文武德稟中和上閣羽儀備著忠勤

之略長江屏翰允資強敏之才肅千騎以行春萃百祗

而薦祉衛森畫戟寧歎滯留

韋蘇州詩兵衛森畫戟司馬遷傳太史公留滯周南

氣轉洪鈞佇聞顯拜某叨縻邊部密借隣光執公堂之
觥莫與鳧趨之列飾小夫之櫝少伸燕賀之忱

江南葉提舉

天運更端直蒼宿東方之次

漢書地理志注東方蒼龍七宿其屬三十二星七十

五度尚書太傳東方者何也動方也物之動也何王正

以謂之春春出也物之出也故謂之東方春也

首祚嚴青陽左个之居

王羲之月儀書日往月來元正首祚月令孟春之月天子居青

陽左个

使指所臨物情胥悅恭惟某官雲霄清閥日月貴

名學術妙於家傳才具周乎世用煥矣堯文之直六轡

增華富哉漢道之登千倉高峙

詩乃求千斯倉乃求萬斯箱

方勾萌

之首達

月令勾者畢出萌者盡達注屈而生曰勾芒而直曰萌

宜戩穀之具綏歸

清禁持荷之班

李詩出入清禁中

陪元日頌椒之慶

晉書列女傳劉臻妻

陳氏聰辯能屬文正旦獻椒花頌曰旋穹周回三朝肇慶青陽散輝澄景載煥標彼靈葩爰采爰獻聖容映之永壽

某濫乘邊傳密借隣光奉一行之書徒厪於賀語

淮東梁運使

和燭開年散春輝於萬寶

爾雅四時和謂之玉燭薛逢啟玉燭開年

辛盤照

日導景貺於三陽

周處風土記月正元日五葷練形注五辛所以發五藏氣五辛即大蒜小

蒜韭菜雲臺胡荽是也莊子正月飲酒茹葱以通五藏

撫言安定郡王立春日作五辛盤以黃柑釀酒謂之洞

庭春色食醫心饒食五辛以辟厲氣庾信詩聊開
栢葉酒試奠五辛盤王勃集景貺有期英靈間出恭惟
某官懿德中閎巨才旁暢裕民足國豈惟流地上之錢
問俗觀風盖有澄天下之志方勾萌之首達宜戢穀之
具綏勞四牡使臣之還登三事大夫之列尚書三事
暨大夫某
偶同邊部密借隣光後同韓
總領

淮東高提舉

金儀調節肇新一歲之元

薛逢啟金
儀應律

琛貢充庭式重三

朝之會

爾雅琛美寶也文選獻琛執贄當覲於殿下
者數萬以二晉樂志夏正聲旦周物充殿

物

情胥悅賢業采昌恭惟某官絕識際天清標照俗踐西

漢風流之署郎望歸然

杜詩風流漢署郎元微之集嘉乃令子為吾望郎鄭谷詩望郎

到處覺風生又寒星識望郎

總東淮財賦之淵使華藉甚對孟陽而

布令

梁元帝纂要正月曰孟陽孟陬月令孟春之月布德和令

袞介福以在躬佇聞

卜行詔之頒入贊萬年觴之慶

後漢禮儀志歲首為大朝受賀二千石以上上

殿稱萬歲奉觴御座前唐六典元正一日陳設於太極殿皇帝袞冕臨軒皇太子以下獻壽禮畢然後中書令

與供奉官獻壽殿上皆呼萬歲某偶聯邊部密借清光登君子之堂阻

陪賀厦

杜詩重上君子堂

飾小夫之櫝敬致頌言

淮東薛總領

日月會於陬訾肇建春皇之令

月令注孟春者日月會於陬訾而斗建寅之月

也天地交為泰象亶為君子之光

易泰象曰天地交泰恭惟某官

命世軼材照時瑰行運牙籌而佐國聲華高棘位之班

仗玉節以臨戎談笑給柳營之饗嘉辰茂對善祉駢臻

佇歌四牡以勞還光輔六龍之在御

易時乘六龍以御天某濫乘

邊傳密借隣光

後同韓總領

揚州趙安撫

歷草先春祥開端月

梁任昉述異記堯為仁君一日十瑞宮中芻化為禾鳳凰止於庭神

龍見於宮沼歷草生階宮禽五色鳥化白神木生蓮蓬蒲生厨景星耀於天甘露降於地是為十瑞續博物志

英莢一名歷英聖王以是占日月之數陳陶詩歷草何因見詳見前

頌花上壽喜洽元朝

宜淮海之俊人

杜詩淮海維揚一俊人金章紫綬照青春

履乾坤之泰道恭

惟某官清姿照寶玉之國

尚書分寶玉於伯叔之國

異氣躔斗牛之

墟德懿而全才豐於用雞翹豹尾夔高次對之班

後漢典服

志鸞旗曰鷄翹編羽旄列繫幢旁李商隱詩屬車無復插雞翹

虎節麟符式重保釐之

寄江濤息警邊堠沉烽

韻會堠記里堡

喜臨物棣之辰

律歷志正月乾

之九三萬物根通注棣音替謂通意

哀對日升之福

詩如日之升王沈賀正表三辰改運元正

聲祚自天降社如日之升

賢長城於萬里具宣制閫之威開壽域於

八荒行覩轉鈞之手某叨縻邊傳遙睇階符

後同韓總領

真州張知府

六螭戒曉舉椒盤栢酒之上儀

淮南子至於悲泉爰息六螭是謂懸車文選帝

者之上儀

千騎行春動榆塞柳營之喜色恭惟某官中和育

德豈弟宣風奕奕金章一俊擅淮南之譽

見上條

堂堂玉

節萬人動江北之看

劉禹錫詩江北萬人看王節江南千騎引金鏡

屬勾萌之

令方新宜戩穀之休駢萃佇催竹使進陟荷班某叨領
邊封密依隣照雖阻造賀賓之列其敢廢涓史之儀

楚州崔安撫

七政旋宮啓合璧連珠之瑞三陽簇律動長榆細柳之
春是謂亨辰可無善頌恭惟某官濟時方略蓋世威名
殫心膺之忠秉干戈而衛上

尚書作股肱心膺

重藩垣之寄授

將鉞以臨邊屬勾芒之令肇新宜戩穀之休駢萃佇疏

恩於綽詔爰視秩於袞台

杜詩台袞更誰親

某原隰載馳門牆

在望雖阻奉慶觴之禮其敢廢賀禋之儀

謝丞相

春為規以圜萬物肇開生育之端

魏相傳東方之神太皞乘震執規司春注

木為仁仁者生生者圜故為規淮南子時則訓春為規規者所以圜萬物也公羊傳春者開闔之端養生之首

氣轉鈞而壽八荒允藉燮和之力

李梅亭啟仁行而春為青規而圜萬物剛

養其氣轉洪鈞以壽八荒

維時元輔喜對昌辰恭惟某官絕識際天

精忠貫日

文選精貫白日唐書天寶末盜發幽陵郭子儀自朔方提孤軍轉戰逐北雖唐命方永亦

由忠貫日月神明時鑒者哉李洞詩白日貫忠貞

大綱小紀在軍國以恢張正

機平衡措華戎於靜謐

郎顗傳天垂妖象地見災符所以譴告人主責躬修德使正機

平衡流化與政也

眷意洽於旒冕茂勲煥乎旂常當勾芒之令

肇新宜戢穀之休駢集亟正師垣之拜

詩太師維垣

永扶帝

緒之昌某叨領守符阻陪賓祀借陽和於灰律方藉吹
噓介眉壽於春觴第廔祝頌

張參政

晉元會以稱觴百華照座漢春朝而受籍萬玉來庭維
時熙洽之辰屬我明哲之輔恭惟某官道尊德貴仁熟

義豐奧學得六經之純遺風有三代之直垂紳正笏措

寧謚於華戎正機平衡贊彌綸於天地

繫辭易與天地準故能彌綸天

地之道

當勾芒之始達宜戩穀之具綏顙面而朝具瞻所

繫某坐拘一障遙睇三階獻眉壽之詩愧莫陪於賓贊
飾小智之櫝僭申賀於涓曹

虞侍郎

正月始和徇適音於春路

周禮正月之吉始和乃垂治象之法於象魏尚書每歲孟

春適人以木鐸徇於道路

元朝大會傳臚句於昕庭

叔孫通傳臚句傳上傳語告下

為臚下告
上為句

惟時橐從之英介爾鼎來之福恭惟某官表

時粹行經國嘉猷所學得姬孔之傳有文出燕許之上

班高亞旅豈徒威天下以甲兵職親從塗務在陳王前

之仁義三陽茂對百順駢臻慶逢黃道之開

杜詩閭闔黃道

行正紫樞之任某坐縻偏壘引睇崇牆

後同張參政

王左史

園儀改度肇新一歲之元方物充庭式重三朝之會

尚書

無有遠邇
畢獻方物

宜立螭之亞旅膺錫馬之蕃休

易晉康侯用錫馬蕃庶晝

日三

恭惟某官文妙天成名昭日揭玉階簪筆居左右

之第一流金匱細書騁上下之數千載

司馬遷傳細史記石室金匱之

書又馳驅古今上下數千載間細音宙綴謀也

道應乾坤之泰福如川阜之增

既供奉於內朝

杜詩憶昨道遙供奉班又垂老歸來供奉班

佇登庸於上宰

某坐縻郡紱遙睇階符

後同張參政

章右史

人時行夏布和令於治朝

月令孟春布德和令行廢施惠

天道先春散

陽輝於物宇

風俗通易稱天先春而後秋地先生而後凋詳見第十六卷

凡屬清流

之彥茂迎端月之祥恭惟某官懿德渾成清才絕出執
簡帝右奉紫宸閣之起居視草禁中妙白玉堂之揮染
三陽茂對五福駢臻方當真儒得路之時佇正上宰調
元之任某坐縻偏壘遙睇崇墉

後同張
參政

施正言

星回天而改歲人事肇新

月令星回於天歲且更始詩曰為改歲

陽奏地

而發春物情胥悅

白虎通簇者湊也言萬物始大湊地而出也

允屬老成之

彥慶逢亨泰之辰恭惟某官懿德中閎鉅才旁暢妙五

色之線聖主有賴於彌縫

杜牧之詩平生五色線願補
舜衣裳左傳敢拜子之彌縫

敝邑又彌縫其闕左雄傳
論王暢李膺彌縫袞闕

堅百練之金邪士莫當於鋒

銳三陽茂對五福具綏既能斟白獸以獻謹言

白獸謂
牙能觸

邪晉禮志正旦元會設白獸樽於殿庭樽蓋上施白獸
若有獻直言者發此樽飲酒乃杜舉之遺式隋志梁元
會之禮太階東置白獸樽陳便宜者聽詣白獸樽又見
臧榮緒晉書周必大啓風聲輶嶺屢聞白獸之樽諫紙縱
橫備著皂
囊之疏行見轉洪鈞而參大化某坐縻一障託芘萬

楹登君子之堂莫陪於賀履飾小夫之櫝敢贊於頌言

五府

金儀改度二曜會於陬訾玉律布和萬物通於泰簇

晉書

武帝太康元年汲郡發魏襄王冢得古周時玉律及鐘磬與新律聲韻同律歷志正月乾之九三萬物棟通族出於寅故泰簇為人統禮記立春之月律中太簇京房占正月建寅律為太簇允屬調元之業

慶逢首祚之辰恭惟某官鐘鼎勳高

後漢書崔駰傳達旨詞曰乃將鏤元

圭冊顯功銘昆吾之冶勒景襄之鐘注蔡邕銘論曰呂尚作周太師封於齊其功銘於昆吾之鼎

棟梁

任重澤施天下溥博淵泉而出以時簡在帝心輔贊彌

縫而藏諸用迎六符之泰於三階之上轉八荒之壽於

一氣之中翕受春祺

漢書禮樂志羣生堪堪惟春之祺注祺福也

永為國鎮

某解麾伊邇擁簪未前草木懷恩悉自大鈞之播岡陵
獻祝惟先小櫝之馳

費尚書

課厯靈臺步龍躔而頒朔

漢志靈臺丞二人掌候日月星氣後漢志昔者聖人之作

厯也觀璿璣之運三光之行道之發斂影之長短斗綱所建青龍所躔參伍以變錯綜其數而制術焉周禮注天子頒朔於諸侯鳴珂禁角扈鸞輅以迎春

張衡東都賦乘鸞輅

而駕蒼龍賀循曰車必有鸞而春獨駕鸞輅者鸞鳳類而色青故以名春輅也後漢書立春曰迎春東郊車旗服飾皆青歌有開端月之祥實為君子之慶恭惟某官

青陽舞雲翹

儒珍蘊藉

儒行儒有席上之珍以待聘

國棟軒昂提銓筆以掄材清

如止水登瑣闌而批敕忠可回天寵陞八座之聯袂封

三陽之福某解龜伊邇

杜詩解龜踰卧輒六一居士詩解組金龜重

附鳳為

榮望泰階之六符尚稽面覲祝眉壽之千載徒切神馳

寧國太守

鳳鳴解谷正木官用令之秋

三禮義宗五行之官木正曰勾芒漢書法勾芒蒼龍

之精木官之臣黃帝素問東方生風風生木其德數和數和之紀木德周行陽舒陰布五化宣平騎簇

昭亭仰竹使行春之樂

山谷詩曉樓明宛水春騎簇昭亭

道隨天泰福

與日升恭惟某官妙契神明尊為師帥導和布化萬人
瞻玉節之光壓難折衡千里壯金城之勢當勾萌之始
達宜戩穀之具綏進服世官坐經國事某叨紆縣紱阻
綴賓裾栢酒椒盤竊有厯於頌禱桃蹊李徑願少借於
吹噓

府判

歷日開端歲舉公堂之壽

東觀漢紀吳良字大儀初為
郡吏歲旦賀太守門下掾王

望詔稱太守功德曰今日歲首請上雅壽掾吏皆稱萬
歲良勃然進曰望邪佞之人願勿受其觴太守曰此生

言是賜良
鰕魚百枚

屏星綢綵曉行江國之春人事肇新物情胥

悅恭惟某官氣涵剛大性抱中和優哉佐岳之才

陳子昂集

題輿佐岳無
展驥之能

藉甚康沂之詠三陽道泰百福類升佇從

藩郡之股肱歸作天朝之羽翼

後同
前

幕官

歲臨疆圉觀璇璣度之更新

爾雅太歲在
丁曰疆圉

春到昭亭喜

玳瑁筵之甚盛主人禮重君子道亨恭惟某官日月貴
名雲霄雋武拔尤文幕共推溫石之才贊畫公堂有補

龔黃之治

崔駰制分符懋績遠繼於龔黃封敕行崔元式制龔黃之接武尚優庶白之差肩無愧張

楚策左右伊呂郡縣龔黃梁宿狄梁公祠堂碑業尚管蕭化臻龔黃薛能詩自聽行幕豈龔黃

方勾萌

之始達宜戢穀之具綏即對璽褒

漢書循吏傳二千石有治效輒以璽書勉

勵增秩賜金或爵至關內侯

晉儀索侍

後同前

橘山四六卷十

欽定四庫全書

橘山四六卷十一

宋 李廷忠 撰

明 孫雲翼 注

遠迎寧國太守朱大卿

簡記天隆

東方朔傳
隆天重地

蕃宣地大

詩四國于蕃
四方于宣

望霜臺聯

列棘之位信表著之有榮

杜氏通典御史為風霜之任
杜詩憲臺老特減風霜前漢

書五行志公朝之言
必聞於表著之位

由泥軾升高蓋之車喜部封之如

舊

黃霸傳宣帝下詔曰制詔御史其以賢良高第揚州
刺史霸為潁川太守秩比二千石居官賜車蓋特高

一丈別駕主簿車緹油指麾屬縣羅舞編氓
司馬相如

屏泥於軾前以章有德謂編戶也
恭惟某官德內融而外光
韓文服仁食義融內光外氣上

蟠而下際莊子刻意篇上際於天下蟠於地
充之以博極之學演而為

閔肆之文龐士元非百里才薦函交上韓昌黎為諸儒

倡經席屢重說苑孔子困於陳蔡居環堵之室坐三經之席戴憑傳憑徵為博士拜郎中時詔公

卿大會羣臣皆就席憑獨立光武問其意對曰博士說經皆不如臣而坐居臣上帝即令上令與諸儒難說多所解釋帝善之正旦令羣臣說經史更相詰難義有不通輒奪其席憑遂重五十餘席京師語曰解經不窮戴侍中殷氏世傳殷亮建武中拜博士諸儒講論勝者賜席亮坐至八九北史握素懷鉛重席解頤之士間出於

朝廷圖冠方領執經負笈之士著錄於京邑再轉仙蓬雙分郎筆以公道任

諸已以忠言獻於君諤諤然風動於鐵冠

漢官儀御史周官也為柱

下史冠法冠一名柱後以鐵為之言其堅固不撓也詳見前

皎皎乎月昇於金掌奴

隸亦開於心目兒童皆識其姓名

宋名臣言行錄楊誠齋遺施聖與書曰若

盛德大業丕績宏謨兒童皆知公而誦之

將欲正朝廷以正百官合居帝右

乃使察天下者察一路祇在邊頭

杜詩邊頭公卿仍獨驕

材大而

用自難

杜詩古來材大難為用

志高而退亦勇須賢作牧有詔起

家

韓文天

北樓水南樓山識遺恩之猶在敬亭詩昭亭

騎憶勝事之可尋

敬亭山在宣城李詩相看兩不厭只有敬亭山昭亭已見為民重

來入境改觀人愛袴襦之稠疊

杜詩稠疊多幽事

士知旗幟之

精明

李光弼御士嚴肅代郭子儀於河陽士卒旗幟皆為精明

政令相孚嘯吟自治

欲翔四海顧何妨作天外之鴻

文選攀鴻翮則翔四海杜牧寄宣城守鄭諫議

詩文石陞前辭聖主碧雲天外作冥鴻

即面三槐恐未暇辨雲中之樹

周禮

秋官朝士掌建邦外朝之法面三槐三公位且輟宣城焉謝朓之宣城詩天際識歸舟雲中辨江樹

之句歸和虞廷之歌某技薄鼠肝

莊子偉哉造化又將奚以汝為材奚以汝

適以汝為鼠肝乎以汝為蟲臂乎

命輕蟬翼

郭子儀傳德薄蟬翼命輕鴻毛晉中興書周顒疏質

輕蟬翼事重千鈞岳詩微身輕蟬翼三年泮學頗嘗詰藜莧之腸韓詩三年

國子師腸肚習藜莧山左一考巖邦曾未覩詩書之面傳

制巖邑也注巖險也初承板蕩之後若墮煎烹之中勉策疲駑石奮

傳疲駑無以輔治旋鋤弊蠹日勤剖決幸幽圉之告空漢書路溫舒傳

文帝崇仁義省刑罰空虛天下太平文選周公有

空圖之隆魏顏斐傳圖空虛盜賊屏息江淹書身陷

幽圖雨應禱祈變荒疇而成稔在上不以小文而見責向

後尚惟未效之是圖遭際仁公寬假窮邑聞先聲之戾

止覺生意之頓回騎竹而迎細侯願備前驅之列劉禹錫詩

騎竹見新童又童子爭迎郭細侯

舍棠而教南國更容美蔭之依傾徯

惟深占陳罔既

賀江東徐運使

宋制江南東路建康府有江東轉運司

渙發制函晉持計節

宋以轉運為外計故云計節黃山谷送劉運判詩西風持漢節王荆

公送王運判詩都分全節佐均輸

皇華遣使采薇遣戍政方急於外攘

詩序皇華天子遣使臣之詩采薇遣戍役之詩也車攻宣王復古也能內修政事外攘夷狄

斜谷運

馬祁山運牛力願殫於下走一麾所庇萬井攸同恭惟

某官濯濯瓌姿

詩濯濯厥靈

峨峨碩望駕其所學前拍丘旦

之肩筆之於文下結班揚之舌

晉書虞潭傳班揚韜筆仲舒結舌杜詩斯文崔

蔡徒以我似班揚漢書博士結舌而不談魏文帝文章典論孔融體氣高妙有過人者然不能持論及其所善

班楊

哀然而為舉首

董仲舒傳今子大夫哀然為舉首注哀然盛服貌

飄然而

來帝旁音諧九成名震六合遊天子辟雍之海濟多士

以舟航

楊子法言捨舟航而濟乎瀆者末矣捨五經而濟乎道者末矣王荊公詩辟雍海環流用汝作

舟楫

登道家蓬萊之山旅羣仙而佩玉

文選羣仙縹緲餐玉清涯

大屏

旋聞於借重雄臺更賴於決平屬邊境之繹騷

詩徐方繹騷

護上流而轉漕

項籍傳古之王者地方千里必居上游注居水之上流也游或作流

屯壁

三千里竈方見於日增

虞詡傳羌寇武都鄧太后以詡有將帥之略遷武都太守日夜

進道詡令吏士各作兩竈日增倍之羌不敢逼卒大破之

連檣十萬艘粟恍同於大

雨

淮南子蒼頡作書而天雨粟後漢書建武二年天雨穀杜陽雜編夏禹時天雨粟周書神農之時天雨粟

神農耕而種之

翼張虎旅膽喪鄰封真如無敵之儒富有太平

之業王命載肅仲山甫能奉行之

詩肅肅王命仲山甫將之

國威既

強管夷吾使相可也某起家窮陋行路歌危好古之眼

終青

杜詩讀書頭欲白好古眼終青又相對百年終眼青

憂時而髮蚤白

五代南唐廖凝

為都昌宰以廉自守秩滿題一詩修江寺云五斗徒勞更折腰三年兩鬢為民焦今朝辭印言歸去還挈來時

舊酒瓢尤遂初詩憂民贏得鬢毛斑王
睢軒啓心繼闕而常丹髮憂邊而漸白
客游濡塢編簡

之香今轉為鋒鏑之腥

東坡詩初聞編簡香稍作鋒鏑腥

邑界淳原撫

字之勞豈足掩征科之拙

陽城為道州刺史治民如治家賦稅不登觀察使數加誨

責自署曰撫字心勞

一飯每思於報國

朱浮與彭寵書匹夫媵女尚能

微科政拙考下下

致命一餐范曄傳一飯之德必報李固傳竊
感古人一飯之報孔融傳一餐之惠必報

六條幸遇

於觀風

白帖描龔黃之政必務六條又觀風察俗提綱振領

不責小文庶恢大義

杜詩首唱恢大義

天有二者刺史也罪或貸於此時

朱博傳時有大貸注

謂寬假於下

城不沒者保障乎效可觀於他日

趙簡子使尹鐸為晉陽請

曰以為繭絲乎抑為保障乎簡子曰保障哉
及智伯攻晉陽城不沒者三版民無叛意

賀江東提刑蘇郎中

宋江東路饒州府有江東路提刑司

出少府之節登大使之車

漢書百官表少府秦官掌山海地澤之稅以給兵食漢志

符節令一人屬少府為符節臺率主符節事凡遣使掌
授節後漢書輿服志大使車立乘駕駟赤帷持節者重
導從晉書輿服志大使車立乘駕駟赤帷裳
駟騎導從小使車不立乘駕駟輕車之流也
席建侯按
行江東望獨高於諸路
唐席豫字建侯襄州人四以使
者按行江南江東海南北

范孟博澄清天下聲已震於屬城受察云初奉令唯謹

樂毅傳奉令承教可幸無辜

恭惟某官煌煌乎珠庭而日角

論語摘象輔頰

淵山庭日角曾子
珠庭犀角詳見前
皎皎然玉衡而冰壺氣象不凡源流

甚遠且父子兄弟以文章顯俱號睂山之英
宋蘇洵字明允嘉祐

間與其子軾轍至京師歐陽修得洵書二十篇大愛其
文辭以為賈誼劉向不過也其二子同舉進士又同登
制科一旦父子隱然名動京師而蘇氏文章遂擅天下
林子中賀東坡入翰林啓父子以文章名世益淵雲司
馬之才兄弟以方正決
科邁晁董公孫之學
在臺省廟堂以勲業聞獨數賴

濱之懿
蘇轍號穎濱遺老歷仕翰林學士門下侍郎
先垂奕世輩出異人珪

璋濟美於儒門
詩如珪如璋令聞令望
黼黻相輝於朝路近奉兩

朱轡之最
漢志二千石
遠增六濡轡之華賓以召書郎

於選部又煩持漢使之斧

雋不疑傳暴勝之為直指使者衣繡持斧督課郡國直

欲破秦人之觚

酷吏傳漢興破觚而為圓斷珉而為樸注去嚴刑而從簡易抑巧偽而敦厚也

凡析律貳端而用巧心咸知畏縮

漢宣帝詔獄者萬民之命能使生者不怨

死者不恨則可謂文吏矣今則不然用法或持巧心析律兩端深淺不平增辭飾非以成其罪務平刑

釋冤以理民命盡獲昭蘇

月令蟄蟲昭蘇

布告郡國無非上意

之好生懽呼道涂莫不先覩之為快

韓文朝廷之士引領東望若景星鳳

皇之始見也爭先覩之為快

方當衣繡於霄漢誰敢弄兵於潢池天

子之記姓名想贊書之已刻

歐陽公蔡齊行狀居數月不得召久而天子記其姓

名趣使
召試

單于之問家世知相印之有傳

東坡送子由使契丹詩單于若

問君家世莫道中朝第一人宋洪景廋夷堅志東坡送子由詩云云用唐李揆事也紹興中曹勛功顯使金國

好事者戲作小詞其後閔云單于若問君家世說與教知便是紅牕迥底兒謂功顯之父元寵昔以此曲著名

也後大璫張去為之子安世為副使或改其語曰便是中朝一漢兒蓋京師人謂內侍養子不閤者為漢兒後

知閤門使孟思恭亦使北或又改曰便是鹽商孟客兒蓋思恭之父為鹺賈也某山澤癯人

相如傳列仙之儒居山澤間形容甚癯注癯瘠也劉後村啟少年刻志未甘相如山澤之臞積憂熏心無復元

龍湖海之氣乾坤腐物

杜詩江漢思歸客乾坤一腐儒

一第叨塵而若易半

生行路之多艱飽味羣經甫脫寒羶之寂寞強顏五斗

又遭沸鼎之煎烹

王荊公詩肺腑鼎鑪煎

躬校簿書懷裝訴牒

北山

移文訴牒倥偬裝其懷

縱未免頑民之梗化斷不容姦吏之舞文

明辯單辭

尚書明清於單辭

屢空幽囹自謂不負於所學孰能

相知之以心望皇華列宿之照臨

杜詩列宿頓輝光

覺俗李麤

桃之欣喜願力行於清潔用善事於嚴明

任延傳善事上官無失名

譽惟冀州公法之難欺方歸廡問雖即墨譽言之弗至

終荷生成

賀江東運使鍾編修

光錫贊書易持英蕩

周禮掌節守邦節而辨其用以輔王命守邦國者用玉節守都鄙者

用角節凡邦國之使節山國用虎節土國用人節澤國用龍節皆金也以英蕩輔之于寶曰英刻書也蕩竹節也刻而書其所使之事以助三節之信漢之竹使符亦取則於故事也 係兵轉食資控制

於上流

後漢書寇恂傳贊子翼守溫蕭公是埒係兵轉食以集鴻烈

班化宣風聳聽

聞於遠嶠

嶠音轎山銳而高也又山道又石絕水周錄詩初著藍衫從遠嶠

九重至意

百里均思恭惟某官文緯六經

莊子孔子緒十二經以說老聃釋文六經六緯

學包千古父子儒科而相繼士民師表之有歸振鐸鳴

絃雅奏徹雲霄之上坐與憑軾懽謠傳湖海之間整鷺

羽以來歸

詩振振鷺鷺於下鷺白鳥喻潔白之士羣集於君之朝也蔡邕釋誨振鷺充庭

覽鳳

輝而入對獨當上意捷出朝行方其修器械以修外攘

之功

宋置軍器監長貳各一員初察制在昔熙豐留神武備器械增巧規矩具存爾貳厥職其既乃心

合籌策以成中興之業故武監賴其贊貳

軍器監唐官武德初名武

器監開元中改軍器監

而樞司藉以稽參

武監樞屬

凜然有澄清區宇

之懷

宋李絳景祐中及第未幾除西京轉運呂文靖謂曰朝廷之制未有釋褐再仕為轉運使者以學士

才氣高爽故有此授宜副朝廷之意絀到任有澄清之志

付之以觀覽民風之寄二

路之平反既廣九年之儲蓄宜先肆圖充實於關中載

命按行於江北千艘漕粟萬竈爨樵屬縣翕然而景從

過秦論贏糧而景從注言如景之隨形也遐方聞之而膽落使華所燭若東

有啓明之星

詩東有啓明西有長庚爾雅明星謂之啓明注啓明太白星也晨見東方為啓明昏

見西方為太白

兵本攸歸可北取大梁之地

大梁今汴州浚儀史記趙世家秦灌

大梁虜

某才焉無取拙則有餘

潘岳閒居賦雖吾顏之云厚猶內愧於寧蘧有

王假

道吾不仕無道吾不愚何巧智之不足而拙艱之有餘也

竊一第以僥踰遭兩艱之

抑壓寒廳夜宿已勸作於客遊

文選倅此倦游士

綠野春耕頗

習知於農事

古詩雨後有人耕綠野月明無犬吠花村

媿非健令謬使近民

最弗能炫飾矯揉以沽名惟專以惠養撫摩而為政比

年多苦魃虐何時雨之獨私

詩旱魃為虐如懷如焚神異經南方有人長二三尺

袒身而目在頂上行走如飛名曰魃所見之國大旱赤地千里後漢書女魃北應龍翔北史北齊武平五年夏大旱晉陽得死魃長二尺兩頂各二目三輔決錄郭伋為潁川化如時兩他邑皆被蝗灾惟

我田之無害

卓茂傳遷密令時天下大蝗河南二十餘縣皆被其災獨不入密縣界詩無害我田

釋

重刑不犯幽圉屢空用是未速於譴訶

薛宣傳譴訶及細微賈誼

傳在大譴大訶之域者注譴責也訶問也

得以少安於孤拙非巍乎二天之

能見察雖叢爾一國之豈易為茲有榮逢敢忘善事新

龍虎之節顧莫備於先驅寬牛馬之鞭尚免供於下走

賀寧國趙府判

李自注自徽易寧

疏恩中陞易倅大邦

倅音翠副車也周禮戎僕掌王副車之政趙充國傳倅馬什之胡文

恭行陳緹制分倅州治又分乘倅車

磐石所臨皆犬牙相制之地

文帝紀昔高帝

王子弟地犬牙相制所謂磐石之宗也

屏星再駕乃驥足始展之時負弩

欲前奏牋敢後恭惟某官才高於世行茂於宗

韓文行茂於宗

事修於官燭代輝梁真是天人之眉宇

文選以藩以牧燭代輝梁杜詩汝陽讓帝

子眉宇真天人

饜韓飫柳更多文士之篇章唾手取名

稽遂良傳唾手

可取飄纓得志臨事恢恢乎餘刃居官卓卓而可書旋回

補外之行更迭治中之寄匪謂出幽谷而遷喬木

詩伐木丁

丁鳥鳴嚶嚶出自幽谷遷于喬木

蓋猶就熟路而駕輕車十行詔方下

於日邊二州民已爭於境上

宋杜衍字世昌知乾州未滿歲安撫使察其治行以

公權鳳翔府二邦之民交爭於境上一曰此我公也汝奪之一曰今我公也汝何有焉王臈軒啟安得一語借寇君於帝前正恐兩州爭杜公於境上去辭康海來對澄江以端望壓芙

蓉之賓以婉畫贊蘭蓀之守流王化於千里事半而功

倍之登相位者九人世異而調同耳

唐宰相贊周之卿士周召毛原皆同

姓也唐相以宗室進者九人皆以才
稱號賢宰相享國長久嗚呼盛哉
某篤於自信多所

不堪

嵇康與山濤絕交詩有必不堪者七

魯泮三霜甫脫寒羶之寂寞制

巖二暑又遭沸鼎之煎烹弗憚勞筋稍回生意獄豸殆

荒於秋草蝗螟無害於稭田固知不得罪於邦人猶恐

特見呵於府吏

韓詩凡吏之所呵嗟予頗有之

題輿坐以待仲子今幸

照臨寬轡策以假朝歌庶逃曠戾

賀寧國趙僉判

燕臺上客價重千金偃室賤官祿輕五斗惟傾蓋相逢

而適願

家語孔子之鄉遇程子於途傾蓋而語文選白頭如新傾蓋如故

雖執鞭為御

而不辭

李膺傳膺性簡亢無所交接荀爽常就謁膺因為其御既還喜曰今日乃得御李君矣余日華

啓幸嘗與于執鞭喜不知其折屐

敢以片言將其寸意恭惟某官學深

根柢

杜詩詞林有根柢

文富菁華

唐陸放云論語六經之菁華玉堂遺範裴度拜相制文融

菁華行茂枝葉李納行盧弘正制行有枝葉文耀菁華

一氣造天而本同是生龍

種

杜詩龍種自與常人殊

三月遡河而直上遂脫魚羣

水經注鱣鮪也出羣

穴三月則上渡龍門得渡則為龍矣李詩直上龍門生羽翼

既取名於年少之場

白詩

還似今朝爭酒席宜振步於日邊之路獨廩於進莫宅

所施卻列鳧之行而對兩松佳哉此志

韓文公藍田縣丞廳壁記丞位

高而偏例以嫵不可否事文書行吏抱成案詣丞鴈鷺行以進平立睨丞曰當署丞涉筆占位署惟謹又對樹

兩松日吟

絆良驥之足而求千里難矣其功

文選絆良驥之足而

戰其間

責以千里之任檻猿猴之勢而望其捷巧之能杜詩鹽官雖絆驥韓詩繫驥四足氣空橫

眷言帝子

之名都

宣州為孝宗潛藩乾道三年昇為寧國府

素稱幕府之多士

杜詩幕府盛材

賢又幕府

來光樽俎

五代會要漢乾祐元年敕云翹車著詠箋帛垂文式重弓旌以光樽

俎允奉幕中之畫

以供席上之珍

增重磐維挹爽氣以自高翔華聲而

彌遠紅蓮之依綠水婉畫有聞丹鳳之上赤霄壯圖孰

禦

杜詩餞爾白頭日永懷丹鳳城肺肝若稍愈亦上赤霄人

某志存絜矩識昧圓機

鄭廣文豈出義皇誤蒙汲引孟公綽不可勝薛強使撫

摩技有五祇覺易窮課第六安能自脫

蕭育傳育為茂陵令會課育第

六而漆令郭舜殿見責問育為之請扶風怒曰君課第六裁自脫何暇欲為左右言及罷出傳召茂陵令詣後曹當以職事對育按佩刀曰蕭育杜陵男子何詣曹也遂超出欲去官明旦詔召入拜司隸校尉育過扶風府門官屬掾吏數百人拜謁車下竊喜渠渠之廣厦方開秩秩之初筵與

大國英俊之遊信難攀附糾後曹怠慢之政終幸寬容

漢書注秋冬歲盡各計縣詣郡課校最殿其為殿者於後曹對責以糾怠惰也舞手之餘濡毫

罔既

回太平汪宰

太平屬
宰國府

南臺御史之尊憶同登於桂籍

通典御史臺後漢亦謂之蘭臺梁及後魏北齊

或謂之南臺通典注北齊主高澄用崔暹為御史中尉宋游道為尚書左丞謂之曰卿一人處南臺一人處北省當使天下肅然因詒錄高宗朝改門下省為東臺中書省為西臺尚書省為文昌臺故御史臺呼為南臺東坡詩高會開桂籍又飛騰桂籍他年事東閣郎君之貴喜相接於花封北

瑣言李商隱字義山為彭陽公令狐楚從事彭陽之子綯繼有章平之拜遂疎隴西未嘗展分重陽日義山詣宅於廳事上畱題其略云十年泉下無消息九日樽前有所思郎君官貴施行馬東閣無因許再窺相國觀之

慙恨而已眷意彌加問言先及恭惟某官夜光明月之價重

揚雄傳推夜光之流離剖明月之珠胎魚豢魏略大秦國出夜光珠南越志海中有明月珠神異經西北荒中

有二金闕上有明月珠徑丈光照千里李詩婆娑南海水簸弄明月珠陽春白雪之調高

宋玉對楚王問客有歌於郢中者曰下里巴人國中屬而和者數千人其為陽阿薤露國中屬而和者數百人其為陽春白雪國中屬而和者數十人引商刻羽雜以流徵國中屬而和者不過數人而已其曲彌高其和彌寡

長才應於時須令德由乎世濟冠冕多士允屬天下

文章之家琳琅一門並居朝廷風憲之職杜詩琳琅照一門後蜀范

仁恕拜中丞以為諸王冊使仁恕謂中丞是宜臧孫之居風憲之地不宜持節藩邸時人韙之

有後見謂江夏之無雙

黃香傳香博學經典究精道術能文章京師號曰天下無雙江

夏黃

利刃一揮已空盤錯鳴絃再續更妙發揚方臨政

在朞月之間已奏功為諸城之最

隋房恭懿授新豐令政為三輔最唐韋嗣

立累調雙流令政為三川最

潘安仁遲回二令殊鬱壯圖

晉潘岳字安仁才名

冠世為衆所疾棲遲十年出為河陽令轉懷令岳負其才鬱鬱不得志楊駿誅除名為民俄而復官除長安令

杜詩居然屈壯圖

卓子康登拜三公竚尋故事

漢卓茂字子康為密令光武即

位以茂為太傅封褒德侯圖像雲臺

某客游已勸縣譜甚疎

晉書山陰東土大縣難為

長官傳僧祐在縣有稱子琰為武康令遷山陰尤明察又著名二縣皆謂之傳聖並著奇績世云諸傳有治縣

譜子孫相傳不以示人

技有五祇覺易窮課第六安能自脫幸隣

交之密邇篤世好之綢繆

晉書何劭李毅二人有累世之交詩綢繆束薪折梅

一枝見寄隴頭之芳信種桃千樹願分蹊上之清陰

賀錢大參除右相兼樞密

按宋史開禧元年以錢象祖參知政事同知樞

密院三年十二月拜右相兼樞密使

敷播宸綸延登英袞

漢五行志延登受策注延入而登殿也漢舊儀丞相御史大夫初拜

皇帝延登親詔也晉中興書穆宗詔實賴英袞淵謀文選英袞暢人謀

去四凶舉十六相

此下去當道之豺狼必資巨力靖中原之烽火安事淺闕文

謀

左傳吳為封豕長蛇以薦食上國

更革一新懽呼四起亶具巖瞻之

久靡容廷告之稽當上聖攬萬幾之初惟中書係庶政

之本

魏文帝置中書監令並掌樞密自是中書多為樞機之任唐世中書令即宰相之職後以太宗嘗為

中書令臣下不敢居其職高宗龍朔中改侍中為左相中書令為右相宋沿唐制故寇萊公謂中書總文武大政三入中書者惟

呂文穆趙韓王耳

四海望治改觀而易聽百吏嚮方滌

慮而洗心必將羅致時英表建民極鋪宣大化以固國

之元氣開示至公以銷人之倖心綜覈軍要務乎精制

節邦國極其裕荆淮之生聚盡復

時議以韓侂冑首易淮陝侵地幽燕

之賓服可期惟時宗工自有成畫東西府二印之兼總
歐陽公歸田錄後唐用文事出於中書武事出樞密其
權甚重至宋號東西二府宋會要國朝樞密院與中書
對持文武二柄號為二府禮遇無間每朝奏事與中書
先後上按漢貢禹傳令二府奏蓋指丞相御史大夫與
此不同互見
第十八卷 中外各一時而交稱宜不動聲色之間可

坐觀勲業之就和陰陽撫華夏永鎮辰階

周勃傳宰相者上佐天子

理陰陽順四時下遂萬物之宜外鎮四裔諸侯
內撫百姓使卿大夫各順其職宋制變正辰階琢金石

誓山河益光世閔

高帝紀與功臣剖符作誓丹書鐵契金匱石室藏之宗廟功臣表封爵之

誓曰使黃河如帶泰山若礪國以永存爰及苗裔唐郭
曜性沈靜貌魁傑父子儀專征伐曜畱治家子儀亮盧

杞秉政忌勲族德宗稍聞之詔曰尚父有大勲勞保乂
王家嘗誓山河琢金石許宥十世前日其家市田宅而
無賴者妄論奪之自今有司
某伏讀麻制唐故事中書
無得受杜詩山河誓始終
為誥命輕重之辨凡大
封拜制書並用白麻
倍搖心旌竊欣宇內萬物之皆

春奚慮溝中匹夫之未澤永懷鄉土莫非依裏錦之榮

吳越世家臨安有大樹錢鏐幼時戲於此既貴
歸宴故老山林皆衣以錦號其樹曰衣錦將軍久去門

牆寧復記遺簪之舊地寒寡與天幸方來不圖垂老之

年及見甚盛之舉身居保障神往翹材所願彈冠振衣

沐浴更始之化


屈原卜居新沐者必彈冠新浴者必振衣揚雄傳潔沐浴之振衣

尚能

持墨美翰歌頌太平之功

柳文時時作文以詠太平歐
文鑿井耕田歌詠太平之樂

厥志惟廛茲文未究



橘山四六卷十一